



華嚴經普賢行願品

伏

C40
4514
38



C40-45-14

了翁上座請大藏及有
家書置之武州紫雲山
我微笑塔院住府中人
為學者不敢許出院內
當山二世鐵牛機謹認



B 64853

大方廣佛華嚴經卷第六

唐罽賓國三藏般若奉詔譯

人不思議解脫境界普賢行願品之六

時善財童子隨順思惟一心專念彼諸菩薩微妙
莊嚴法門一心專念彼諸菩薩言辭教海一心
解脫一心專念彼諸菩薩微細方便一心專念彼諸菩薩清淨
菩薩清淨善巧一心專念彼諸菩薩善根光明一心專念彼諸菩薩勇猛
專念彼諸菩薩廣大智力一心專念彼諸菩薩不退一心專念彼諸菩薩殊勝志樂一心專念彼諸

菩薩無量功德一心專念彼諸菩薩無礙法門如是
思惟弘誓堅固勇猛精進而爲甲冑以正信力恒自
莊嚴勤求正法心無疲厭志願堅固猶若金剛及那
羅延無能壞者恒於一切善知識教奉順修行常無
間斷於諸境界心無染著普門妙行皆悉現前普眼
智光照諸法海圓滿諸地隨羅尼門現見十方了法
邊際以無礙智普偏莊嚴證解清淨無依法性顯示
無對無二法門超過一切最勝彼岸入淨智門永離
諸想能審觀察諸法實際普知三世差別法門普往
十方差別世界普見十方差別佛身普入十方差別
時劫普觀十方差別業性普轉諸佛差別法輪普智
三昧明照其心心恒普入平等境界如來慧光照觸
其身一切智流相續不斷若身若心勢力自在常不
捨離一切佛法以深信力常得諸佛威神所加以淨
慧力爲諸如來光明所照以誓願力願身周徧一切
刹綱一切法界普入其身漸次遊行經十二年至住
林城周徧詢求解脫長者既得見已五體投地頂禮
雙足起立合掌白言聖者我今得與善知識會是我
獲得廣大善利何以故善知識者難可出現難得聞
名難得逢值難得親近難得承接難得同住難得奉

事難今喜悅難蒙開曉難得隨逐我今會遇真善知識是我獲得最勝善利如是展轉難中之難聖者我已先發阿耨多羅三藐三菩提心爲欲值遇一切佛興故爲欲普聞一切佛名故爲欲普見一切佛身故爲欲普詣一切佛刹故爲欲普入一切佛會故爲欲普觀一切佛境故爲欲普知一切佛意故爲欲普受一切佛記故爲欲普承一切佛力故爲欲普事一切諸佛故爲欲證悟一切佛法故爲欲隨順一切佛心故爲欲圓滿一切佛願故爲欲獲得一切三昧故爲欲照順一切佛智故爲欲莊嚴一切佛會故爲欲偏

修諸佛本行故爲欲現見諸佛神通故爲欲具證諸佛智力故爲欲清淨諸佛無畏故爲欲聽聞一切佛法故爲欲受持諸佛法輪故爲欲辯析一切佛法故爲欲住持諸佛教海故爲欲守護諸佛法城故爲欲觀察佛所覺法故爲欲解悟佛所證法故爲欲深入佛所知法故爲欲見一切佛法於自身中出生故爲欲與一切菩薩同體故爲欲與一切菩薩同類故爲欲等一切菩薩善根故爲欲觀一切菩薩所學故爲欲同一切菩薩淨行故爲欲成一切菩薩所修故爲欲滿一切菩薩波羅蜜故爲欲發一切菩薩清淨願

故爲欲入一切菩薩大願海故爲欲具一切菩薩大
悲力故爲欲至一切菩薩究竟處故爲欲獲得諸佛
菩薩差別威神藏故爲欲獲得一切菩薩智慧光明
無盡藏故爲欲獲得一切菩薩廣大功德三昧藏故
爲欲獲得一切菩薩無量威力藏故爲欲獲得一切
菩薩無量神通藏故爲欲獲得一切菩薩大神變藏
無窮盡故爲欲獲得一切菩薩大自在藏常現前故
爲欲獲得一切菩薩淨妙色藏而莊嚴故爲欲獲得
一切菩薩大慈悲藏教化衆生皆令究竟達彼岸故
聖者我今以如是心如是意樂如是希欲如是勤求
如是思惟如是渴仰如是尊重如是方便如是勇猛
如是究竟如是謙下來至聖者善知識所我聞聖者
善能誘誨諸菩薩衆能以方便開佛境界示其道路
指其津濟與其橋梁授其船筏普令一切截愚癡網
除顛倒障拔疑惑箭滌煩惱垢照心稠林破心迷執
令心潔白正心諭曲除心熱惱使心清涼廻生歎流
趣涅槃道令心遠離諸見牢獄令心解脫貪欲繫縛
於染愛處令心動轉隨順趣入一切智性令其疾到
廣大法城令其堅固無上大悲令其安住究竟大慈
令其發起諸菩薩行令其修習諸三昧門令其悟入

聖所證位令其觀察諸灑本性令其增長普賢願力
於諸衆生其心平等唯願慈哀爲我宣說菩薩云何
學菩薩行修菩薩道隨所修習疾得清淨疾得明了
具足圓滿時解脫長者以過去積集善根力故如來
現在威神力故文殊師利童子憶念力故十方一切
諸善知識本行願力所加持故卽入菩薩勝三昧門
其三昧名普攝無邊一切佛刹旋陀羅尼入三昧已
其身清淨光明暎徹於其身中顯現十方各十佛刹
極微塵數佛及佛刹淨妙莊嚴衆會道場光明等事
亦現彼佛往昔同行諸菩薩衆往昔所現神通變化
往昔所發廣大誓願往昔所修助道之法往昔所淨
諸出離道往昔所有清淨莊嚴往昔所行諸菩薩行
亦見彼佛成等正覺轉妙法輪教化衆生如是一切
悉於身中分明顯現無有障礙亦於身內一切刹中
普現其身無不充徧身與佛刹互相涉入不相障礙
種種色像而無往來一一差別次第而住不相襍亂
所謂種種佛刹各別莊嚴種種衆會眷屬圓滿種種
威儀恭敬供養種種道場各各嚴飾其中諸佛示現
種種遊戲神通建立種種差別乘道顯示種種廣大
願門普偏莊嚴種種神力或一世界示現上生處兜

率宮而作佛事或一世界歿燒率天下入王宮而作
佛事或現處胎種種神變或現誕生種種瑞相或現
嬰孩種種遊戲或示童子現處內宮或現出家示行
苦行或詣覺樹坐於道場或現神通破魔軍衆或現
自在成無上道或見諸王勸請說法或見受請轉妙
法輪或見天龍乾闥婆等恭敬圍繞常隨守護或現
其身徧入諸趣或往一切衆生住處或時示現度衆
生已入般涅槃爲令世間咸增戀慕或現舍利全身
碎身分布人天令興福祐或徧人天起大塔廟莊嚴
國界饒益衆生彼諸如來於種種世界種種趣生種
種部類種種衆會種種根器種種樂欲種種業行種
種信解種種根力種種修習種種行願種種覺悟種
種心想種種煩惱隨眠習氣如是一切衆生海中以
佛威力廣現神通徧一切處施作佛事所謂或處極
微塵量道場或處無邊廣大道場或處一由旬量道
場或處十由旬量道場乃至或處與不可說不可說
佛刹極微塵數諸世界海其量正等衆會道場以種
種神通種種音聲種種言辭種種辯才種種訓釋於
諸如來聖諦海中以種種無畏大師子吼爲種種衆
生演說種種修多羅海開示種種陀羅尼門普轉種

種如來法輪普授種種諸菩薩記彼諸如來所說法門所出言音善財童子悉能聽受憶持不忘思惟觀察亦見諸佛及諸菩薩不可思議諸三昧門自在神變爾時解脫長者現是相已卽從三昧安詳而起告善財童子言善男子我已於此甚深無礙莊嚴解脫門自在入出善男子我住於此解脫門時卽見東方閻浮檀金光明世界龍自在王如來應正等覺道場衆會之所圍繞毗盧遮那藏菩薩而爲上首又見南方速疾具足諸力世界徧覆普香王如來應正等覺道場衆會之所圍繞思惟心王菩薩而爲上首又見

西方具足一切香圓滿光世界須彌燈王如來應正等覺道場衆會之所圍繞無礙心菩薩而爲上首又見北方袈裟幢世界金剛堅固如來應正等覺道場衆會之所圍繞金剛遊步勇猛行菩薩而爲上首又見東北方一切殊勝妙寶世界無所得境界眼毗盧遮那如來應正等覺道場衆會之所圍繞無所得妙變化菩薩而爲上首又見東南方自在香焰光音世界香燈王如來應正等覺道場衆會之所圍繞金剛焰慧自在妙音王菩薩而爲上首又見西南方智日焰普光明世界毗盧遮那普智聲如來應正等覺道

場衆會之所圍繞普焰垂髻變現香華光菩薩而爲上首又見西北方普清淨妙香莊嚴藏世界無量功德海幢圓滿光明如來應正等覺道場衆會之所圍繞無礙威力身智幢王菩薩而爲上首又見下方師子騰焰解脫光明世界無礙法界幢具足智慧焰光如來應正等覺道場衆會之所圍繞法界智焰光明偏照世界幢菩薩而爲上首又見上方光明偏照次第出現無盡佛世界名稱無邊無礙智慧圓滿光幢王如來應正等覺道場衆會之所圍繞無礙精進力法界智幢王菩薩而爲上首善男子我見如是十佛世尊而爲上首如是乃至見於十方各十佛刹極微塵數諸佛如來應正等覺道場衆會之所圍繞一一皆有上首菩薩并諸眷屬分明顯現然彼一切世界如來不來至此我身亦不往詣於彼善男子我若欲見安樂世界無量壽如來隨意卽見我若欲見白栴檀香世界月智如來妙香世界寶光明如來蓮華世界寶蓮華光明如來妙金光世界寂靜光如來妙喜世界不動如來善住世界師子相如來鏡光明世界月覺如來吉祥師子寶莊嚴世界毗盧遮那如來如是十方一切世界所有如來我若欲見隨意卽見然彼

如來不來至此我不往彼善男子我若欲見盡過去
際一切劫中所有諸佛及彼佛刹種種莊嚴道場衆
會神通變化調伏衆生盡未來際一切劫海所有如
來及諸菩薩莊嚴國土衆會道場調伏衆生神通變
化如是一切隨念皆見彼諸如來及彼諸劫一切佛
刹所有莊嚴種種差別不來至此我心亦不入彼過
未然其所見皆如現在善男子我能了知十方三世
一切如來及諸菩薩國土莊嚴神通等事無所從來
亦無所去無有行處亦無住處亦知已身無去無來
無行住處所以者何知一切佛及與我心皆如夢故
如夢所見從分別生見一切佛從自心起又知自心
如器中水悟解諸法如水中影又知自心猶如幻術
知一切法如幻所作又知自心諸佛菩薩悉皆如響
譬如空谷隨聲發響悟解自心隨念見佛我如是知
如是憶念所見諸佛皆由自心善男子當知菩薩修
諸佛法淨諸佛利積集妙行調伏衆生發大誓願入
一切智自在遊戲不可思議解脫法門得佛菩提現
大神通徧往十方一切法界以微細智普入諸劫如
是一切佛菩薩法皆由自心善男子諸業處妄積集
名心末那思量意識分別眼等五識了境不同愚癡

凡夫不能知覺怖老病死求入涅槃生於涅槃二俱不識於一切境妄起分別又由未來諸根五塵境界斷滅凡愚之人以爲涅槃諸佛菩薩自證悟時轉阿賴耶得本覺智善男子一切凡愚迷佛方便執有三乘不了三界由心所起不知三世一切佛法自心現量見外五塵執爲實有猶如牛羊不能知覺生死輪中無由出離善男子佛說諸法無生無滅亦無三世何以故如自心現五塵境界本無有故有無諸法本不生故聖者自悟境界如是善男子愚癡凡夫妄起分別無中執有有中執無取阿賴耶種種行相墮於生滅二種見中不了自心而起分別善男子當知自心卽是一切佛菩薩法由知自心卽佛法故則能淨一切利入一切劫是故善男子應以善法扶助自心應以法雨潤澤自心應以妙法治淨自心應以精進堅固自心應以忍辱卑下自心應以禪定清淨自心應以智慧明利自心應以佛德發起自心應以平等廣博自心應以十力四無所畏明照自心善男子我唯於此如來甚深無礙莊嚴解脫法門自在出入如諸菩薩摩訶薩住無礙智行無礙行於諸境界無不通達現前常得見一切佛廣大三昧住一切佛無涅槃前常得見一切佛廣大三昧住一切佛無涅槃二俱

槃際成正覺門普偏了知諸三昧海所有境界能隨觀察三世諸法悉皆平等分身偏往一切刹海入於諸佛無分別處一切境界皆悉現前常能觀察一切諸法以圓滿智盡能說行一切菩薩功德行願於其身中悉能顯現一切世界成壞之相而於自身及彼世界不生二想如是妙行而我云何能知能說善男子從此南行閻浮提畔有一住處名偏無垢彼有比丘名曰海幢汝詣彼問菩薩云何學菩薩行修菩薩道時善財童子禮長者足右繞觀察思惟瞻仰稱揚讚歎無量功德念善知識能爲救護於善知識常生歡喜依善知識發起行願由善知識令我開悟敬善知識心無違逆事善知識無有諂誑於善知識心常隨順於善知識起慈母想令我遠離一切顛倒於善知識起慈父想令我成就菩薩善法如是思惟深生愛樂悲泣流淚辭退而去爾時善財童子一心正念彼長者教隨順觀察如說修行憶持彼不思議菩薩解脫門思惟彼不思議智慧光明門深入彼不思議如來神變觀察彼不思議普入佛刹深信彼不思議佛力莊嚴照現彼不思議菩薩三昧了達彼不

思議差別世界修習彼不思議菩薩淨業發起彼不
思議廣大誓願如是觀察漸次南行向閻浮提畔無
垢聚落周徧尋覓海幢比丘乃見其在經行林側結
跏趺坐端身正念離出入息無別思覺住不思議廣
大三昧以三昧力現大神通於其身上從頂至足一
切支分一切毛孔悉現無量不思議數同自身相一
切身雲徧一切處現一切身爲普供養一切如來故
爲普嚴淨一切佛刹故爲普成熟一切菩薩故爲普
調伏一切衆生故爲普濟拔諸苦蘊故爲普除斷三
惡趣故爲普開示人天路故爲普銷滅煩惱毒故爲
令衆生普入甚深智慧海故爲令衆生究竟安住一
切智故從兩足下出無數佛刹極微塵數長者居士
婆羅門衆相似身雲首戴華冠身垂瓔珞明珠繫頂
被服莊嚴無量童男以爲眷屬普往十方一切世界
悉以一切上妙供具普施衆生所謂普雨一切上味
如法飲食一切上妙雜色寶華一切衣服一切瓔珞
一切鬘帶一切熏香一切塗香一切寶器一切宮室
一切欲樂資生之具於一切處救攝一切貧窮衆生
充濟所須令其滿足安慰一切苦惱衆生獲身心樂
令其歡喜成熟一切善根衆生心意調柔令其清淨

究竟無上菩提之道如是示現充滿十方從其兩膝出現無數百千萬億諸刹帝利及婆羅門并其眷屬相似身雲皆悉聰慧具諸藝術世出世間無不通達種種色相種種形貌種種衣服上妙莊嚴普偏十方一切世界恒以四攝攝諸衆生謂與財寶令其富樂可意語言令聞歡喜或以同事勸導誘進如是一切貧者令足病者令愈危者令安怖者令止有憂苦者令其快樂復以方便咸使發心授以正法令其開悟速疾令其離諸不善集衆善法從生死泥拔濟令出住真實義無畏法中如是示現充滿十方從其臍輪出等衆生數異道諸仙相似身雲種種形相各別莊嚴或服草衣或衣樹皮皆執澡瓶威儀寂靜將諸仙衆足步虛空往反周旋十方世界咸出無量歌讚之聲稱揚諸佛所有功德或歎菩薩所修梵行所說妙法所證清淨其音和雅美妙清徹普聞十方無有障礙調伏成熟一切衆生普攝諸根不令放逸令其觀察真實境界或說諸法皆無自性使其發起一切智心令其安住究竟實道或說世間資生言論或現方域導俗軌儀種種善巧隨宜化度開一切智出要法門令諸衆生普得饒益隨其次第各修其業如是示

現充滿十方從其兩脇出不思議無數龍王龍子龍女并其眷屬相似身雲現不思議諸龍神變徧滿虛空所謂雨不思議寶香莊嚴雲不思議寶華莊嚴雲不思議寶髮莊嚴雲不思議寶蓋莊嚴雲不思議寶幢莊嚴雲不思議寶旛莊嚴雲不思議種種妙寶瓔珞莊嚴雲不思議大摩尼寶王莊嚴雲不思議種種寶座莊嚴雲不思議天寶嚴具莊嚴雲不思議天寶宮殿莊嚴雲不思議諸天女歌詠讚歎莊嚴雲不思議天寶珠網莊嚴雲不思議摩尼鬚葉臺藥寶蓮華莊嚴雲不思議一切摩尼寶冠莊嚴雲不思議無邊光焰天寶莊嚴雲不思議華鬘幢蓋天身莊嚴雲不思議恭敬合掌天諸女雲不思議舍耀吐焰金色蓮華雲不思議演說一切諸佛功德大音聲雲如是一切普偏虛空以爲莊嚴周徧十方一切世界諸佛道場而爲供養普令衆生皆生歡喜除煩惱熱得清涼樂如是示現充滿十方從其脣舌吉祥相中出無數佛刹極微塵數阿脩羅王并其眷屬相似身雲皆悉示現不可思議巧幻術力種種神變充滿虛空所謂能令無量百千萬億世界皆悉震動一切山王互相衝擊一切海水皆大湧沸諸天宮殿無不動搖

諸魔光明無不隱蔽諸魔軍衆無不摧伏普令衆生捨離憍慢心無放逸除慳嫉妬息諸怨害咸起慈心破煩惱山竭愛欲海長無鬪諍永共和善復以幻力遊戲神通開悟羣生令離貪著於諸惡法常樂遠離怖畏生死欣求解脫令出世間一切諸趣令住無上菩提之心令修菩薩清淨妙行令趣菩薩波羅蜜道令入一切諸菩薩地令照菩薩微妙法門令觀菩薩方便善巧如是示現徧周法界從其背出無量阿僧祇佛刹極微塵數聲聞獨覺相似身雲爲諸衆生應以二乘而受化者廣說法要令其調伏所謂爲執我者說無有我爲執常者說行無常爲貪行者說不淨觀爲瞋行者說慈心觀爲癡行者說緣起觀爲等分者說與智慧相應境界各別對治令徧觀察爲於境界生樂著者說離諸著無所有性爲徧耽滯五欲境界說離諸欲無染著性爲著寂靜定所繫者說大願門令深愛樂誓普饒益一切衆生轉於法輪盡未來際令諸衆生所願皆滿如是徧周一切法界從其兩肩出阿僧祇佛刹極微塵數夜叉羅刹王種種形貌種種色相長短廣狹種種儀容威勢雄猛甚可怖畏無量眷屬而自圍繞現種種神力吼種種大聲隨其

所應作種種方便偏滿十方一切世界守護一切善行衆生及諸賢聖菩薩衆會說法道場諸有受持菩薩淨行欣求如來一切正智若向正住及正住者或時現作執金剛神守護諸佛承事供養及佛住處或偏守護一切世間令其不入一切惡道有恐怖者令得安隱有疾病者令得除差在厄難者令除苦惱有過惡者令自歎悔有災橫者令其息滅積集福智大心衆生令其能轉諸佛法輪捨生死輪住正法輪摧滅一切異道邪論如是利益偏滿十方一切法界從其腹出無量百千阿僧祇佛刹極微塵數緊那羅王各與無數百千萬億緊那羅女眷屬圍繞無量佛刹極微塵數乾闥婆王各與無數百千萬億乾闥婆女眷屬圍繞各奏無數阿僧祇百千天樂歌詠讚歎一切諸法緣生實性歌詠讚歎一切諸佛難思功德歌詠讚歎發菩提心普偏威力歌詠讚歎一切菩薩修圓滿行歌詠讚歎一切諸佛成正覺門歌詠讚歎一切諸佛轉法輪門歌詠讚歎一切諸佛現神變門歌詠讚歎一切諸佛般涅槃門歌詠讚歎守護一切諸佛教門歌詠讚歎令諸衆生皆歡喜門開示演說嚴淨一切諸佛刹門開示演說一切諸佛微妙法門開

示演說照一切法無障礙門開示演說發起一切諸
善根門如是利益充滿十方從其面門出無量百千
阿僧祇佛刹極微塵數轉輪聖王七寶具足四兵圍
繞放大捨光雨無盡寶最勝摩尼莊嚴世界普施衆
生咸令充足令斷十惡修行十善所謂一切屠獵漁
捕暴惡衆生令起慈悲不斷生命貧乏苦惱下劣衆
生令其永捨不與取行常行惠施能捨無量百千萬
億端正姝女心無吝惜令諸衆生永斷邪淫修持梵
行虛誑衆生令其究竟常真實語不作虛誑無益談
說令攝他語下行離間常樂和合無有乖諍令柔軟
語無有麤惡雜穢語者令常演說甚深決定明了之
義順佛法語利益修行永斷綺飾無義言辭令諸衆
生深入法句多貪欲者令其少欲修習知足最勝端
嚴無生正行多怒害者令除瞋恚於諸衆生恒起慈
心心無瑕垢爲說大悲歡喜攝受令人佛法墮見網
者爲說實義令觀諸法深入因緣善明諦理決擇正
邪令心清淨拔邪見刺破疑惑山令諸衆生悟心實
性具足通達趣人甚深一切障礙悉皆除滅如是所
作充滿法界從其兩目出無量百千阿僧祇佛刹極
微塵數廣大日輪放大光明普照一切諸大地獄所

有苦惱悉令除滅又照一切世界中間令除黑闇覩見光明又照一切十方世界餓鬼傍生令其捨離愚癡翳障得大智慧拔除衆苦復於一切垢濁世界放清淨光白銀世界放黃金光黃金世界放白銀光琉璃世界放玻瓈光玻瓈世界放琉璃光碑碟世界放碼礪光碼礪世界放碑碟光赤珠世界放日藏摩尼王光日藏摩尼王世界放赤珠光帝青世界放月藏焰綱摩尼寶王光月藏焰綱摩尼寶王世界放帝青光純寶所成世界放雜寶光襍寶所成世界放純寶光如是光明普照佛刹道場衆會而作佛事照諸衆生心之稠林辦諸衆生無量事業嚴飾一切世間境界令諸衆生心得清涼生大歡喜安隱快樂如是所作充滿法界

大方廣佛華嚴經卷第六

音釋

胄直又切
兜鍪也筏音伐簾也
大曰筏小曰桴稠音納
密也澡子浩切
洗也臆於力
切音韻
也瑕音霞
玷也

中府左都督李文貴施賛刻此
華嚴經普賢行願品第六卷 河南比丘海舟對
頤寧唐士登書 長洲晏承爵刻
萬曆辛卯春清涼山妙德庵識

大方廣佛華嚴經卷第七

大方廣佛華嚴經卷第七

唐罽賓國三藏般若奉詔譯

入不思議解脫境界普賢行願品之七

爾時海幢比丘從其眉間白毫相中出無量百千阿僧祇佛刹極微塵數帝釋天王威德光明超過天衆以繫其頂身光暎蔽諸天宮殿震動一切須彌山王覺悟一切放逸天衆歎福德力說智慧力生其樂力持其志力增其所有清淨念力堅其所發菩提心力讚樂見佛令除世欲讚樂聞法令厭世間讚樂觀智

令絕世染止脩羅戰斷煩惱諍滅怖死心發降魔願
興立正法須彌山王成辦衆生一切事業念念調伏
無量衆生如是所作周徧法界從其額上出無量百
千阿僧祇佛刹極微塵數諸梵天王色相端嚴世間
無比威儀寂靜言音美妙請佛轉法歎佛功德令諸
菩薩心生歡喜能辦衆生無量事業如是普徧十方
法界從其頭上出無量百千阿僧祇佛刹極微塵數
諸菩薩衆皆以相好莊嚴其身其諸菩薩各於其身
肢節毛孔一切普放大光明雲顯現諸佛往昔所行
菩薩行海宣說菩薩種種妙行所謂普徧十方一切
世界稱揚讚歎一切諸佛往昔所行檀波羅蜜施者
受者及所施物并所隨順相應行海示導一切慳吝
衆生永離慳著成就捨心常行惠施攝取衆生令住
無上檀波羅蜜顯示諸佛相好功德令得衆寶莊嚴
世界及示依正所出生因令諸衆生愛樂修習普徧
十方一切世界稱揚讚歎一切諸佛往昔所行尸波
羅蜜并所隨順相應行海令諸衆生於五欲境深生
厭離於諸佛境專意趣求除顛倒想恒正思惟斷邪
分別永離諸惡念菩薩戒攝諸衆生住大慈悲稱讚
解脫護持如來究竟戒品普令衆生住於佛戒說一

切有悉皆如夢了達諸法自性皆空說諸欲樂無有滋味令諸衆生遠離欲縛出煩惱垢普偏十方一切世界稱揚讚歎一切諸佛往昔所行忍波羅蜜并所隨順相應行海令諸衆生得法自在得心自在具忍辱力稱揚讚歎金色身業離瞋恚垢起慈悲行止殺害心絕畜生道普偏十方一切世界稱揚讚歎一切諸佛往昔所修勤波羅蜜并所隨順相應行海令諸菩薩精進勇猛爲一切智勤求正法供養承事一切如來恭敬讚歎心無疲厭令諸世間不起放逸攝取衆生令離苦蘊入佛究竟圓滿智海普偏十方一切世界稱揚讚歎一切諸佛往昔所修禪波羅蜜并所隨順相應行海令其散滅塵勞障翳永捨懈慢不起貪瞋蔭清涼雲除煩惱熱竭生死海摧業結山調伏衆生安住妙法究竟令其心得自在普偏十方一切世界稱揚讚歎一切諸佛往昔所修般若波羅蜜并達本性普震清淨妙法雷音令諸衆生增長功德摧滅一切我慢高山拔出一切諸見毒箭抉除一切疑惑翳膜令諸衆生得自在智普偏十方一切世界稱揚讚歎一切諸佛往昔所修方便波羅蜜并所隨順

相應行海隨順世間種種所作令諸衆生究竟成熟
雖普調伏一切衆生而於衆生無所染著雖普照明
諸佛衆會而於衆會心無所著雖離生死而於諸趣
自在受生雖現世間而於涅槃入出自自在雖能了達
生死涅槃無二無別而常善巧饒益衆生安住菩薩
圓滿自在超出世間到於彼岸普偏十方一切世界
稱揚讚歎一切諸佛往昔所成願波羅蜜并所隨順
相應行海令諸菩薩盡未來際乘四願輪遊正覺路
徧周利海利樂衆生摧無明山裂愛欲綱解衆結縛
永滅無餘示現神通種種變化令諸衆生壽命自在
普偏十方一切世界稱揚讚歎一切諸佛往昔所成
力波羅蜜并所隨順相應行海演說菩薩大總持力
方便法音妙辯才力成熟衆生廣大願力摧伏魔怨
智自在力制諸外道心無畏力身力堅固猶若金剛
能碎一切大鐵圍山能滅十方一切劫火能竭海水
能吞猛風掌擎虛空所有世界而於身力無有損減
令諸衆生淨治三昧普於一切自在受生普偏十方
一切世界稱揚讚歎一切諸佛往昔所修智波羅蜜
并所隨順相應行海分別演說種種智地所謂普生
諸佛十力無畏一切功德具足智地普滿諸佛一切

相好自在莊嚴具足智地普發菩薩一切大願具足
智地普偏攝受一切衆生具足智地普爲衆生顯示
無我具足智地普偏觀察一切衆生種種心念具足
智地普偏分別一切衆生根解差別具足智地普偏
隨順一切衆生信樂差別具足智地普偏了知一切
衆生甚深業海無量差別具足智地普偏趣入一切
衆生無量願海心樂差別具足智地從其頂上肉髻
之中出無量阿僧祇佛刹極微塵數如來之身其身
最勝世無能比諸相隨好清淨莊嚴威光赫奕如真
金山無量光明普照十方演妙圓音普周法界示現
無量大神通力爲諸世間普雨法雨隨其所應皆令
獲益所謂爲坐菩提場諸菩薩雨大法雨名平等現
前智爲灌頂位諸菩薩雨大法雨名普門法界爲法
王子位諸菩薩雨大法雨名入諸菩薩普莊嚴門爲
童真位諸菩薩雨大法雨名住堅固山大法智雲爲
不退位諸菩薩雨大法雨名普偏莊嚴平等海藏爲
成就正心位諸菩薩雨大法雨名以金剛智普照境
界爲方便具足位諸菩薩雨大法雨名普攝衆生自
性莊嚴門爲生貴位諸菩薩雨大法雨名如來圓滿
隨順世間爲修行相應位諸菩薩雨大法雨名演法

本際悲愍世間爲治地位諸菩薩雨大法雨名積集
法藏爲初發心諸菩薩雨大法雨名普攝衆生平等
莊嚴爲廣大信解諸菩薩雨大法雨名如來願藏無
盡解脫爲無色界諸天雨大法雨名普門智無盡藏
爲梵世諸天雨大法雨名無量教聲普門智藏爲他
化自在天雨大法雨名能生法力資具無盡藏爲諸
魔衆雨大法雨名種種心幢勤求一切智爲化樂諸
天雨大法雨名淨念智寶住種種善軛爲兜率諸天
雨大法雨名菩薩生意種種願寶幢爲夜摩諸天雨
大法雨名隨順如來淨念歡喜藏爲忉利諸天雨大
法雨名疾見如來出生莊嚴愛樂藏爲諸龍王衆雨
大法雨名出生菩薩獸離龍趣種種神變歡喜幢爲
夜叉王衆雨大法雨名見佛歡喜普偏法界如來神
變藏爲乾闥婆王衆雨大法雨名一切如來集法音
聲爲阿脩羅王衆雨大法雨名金剛智輪大法境界
爲迦樓羅王衆雨大法雨名無邊光明出生一切如
來方便爲緊那羅王衆雨大法雨名一切如來饒益
世間殊勝智雲爲摩訥羅伽王衆雨大法雨名愛樂
速疾增長法爲諸人王衆雨大法雨名得一切衆生
勝智慧法爲地獄衆生雨大法雨名寂靜音聲正念

莊嚴爲畜生衆生雨大法雨名隨順如來具智慧藏無惡業道聲爲閻羅王界衆生雨大法雨名不捨衆生出生如來波羅蜜聲爲諸厄難處衆生雨大法雨名寂靜音聲普偏安慰悉念衆生永離憂苦咸得入於賢聖衆會如是所作充滿十方一切法界海幢比丘各於其身一切毛孔一一皆出無量阿僧祇佛刹極微塵數大光明網一一光明具阿僧祇色相一色相有阿僧祇莊嚴一一莊嚴現阿僧祇境界一境界辦阿僧祇事業如是普偏十方法界爾時善財復於如是大光網中悉見海幢往昔所修一切菩薩三世所行檀波羅蜜悉捨一切內外所有圓滿施行往昔所修一切菩薩三世所持尸波羅蜜從初發心盡未來劫誓捨身命不起一念毀犯之心往昔所修一切菩薩三世相應忍波羅蜜或遇損害頭目手足斷截肢節惡言毀辱悉能安受無有動亂恒思捨離怨害之心觀自他身無有我相生大慈悲成一切智以是因緣獲得菩薩具足相好自在色身示一切身於一切處經一切劫受一切苦勤求正法利益衆生不起一念厭退之心種種神變普偏十方等衆生界現一切身如影隨形充滿法界往昔所修一切菩薩

三世所行勤波羅蜜所學三世諸佛菩薩勇猛精進
離相妙行所現種種神通變化震動十方一切世界
諸大海水令諸衆生精勤匪懈歟生死海出離魔界
一切外道無不怖懼一切魔軍無不摧碎光照十方
一切法界令諸菩薩修種種行種種神變普利衆生
往昔所修一切菩薩三世所求禪波羅蜜或見受身
生諸族姓或爲國王遇善知識發菩提心歟棄國城
出家學道立大誓願種種威儀堅持禁戒身心寂靜
修諸禪定往昔所修一切菩薩三世所成般若波羅
蜜爲欲開發一切智故勤求佛法生正見心爲欲拔
濟諸衆生故事善知識親近承事不違言教尊重恭
敬深生信心禮拜供養情無懈倦勤求如來一句正
法徧捨一切内外所有於身命財心無吝惜乃至勤
求一切法句亦復如是如是念念盡未來際諸所修
行皆爲成就一切衆生究竟圓滿智慧業故往昔所
修一切菩薩三世相應方便波羅蜜能於一切諸趣
類海普現一切衆生色相相似身雲以種種威儀善
巧攝受普令衆生獲大饒益往昔所求一切菩薩所
發三世願波羅蜜所謂供事一切諸佛願成熟一切
衆生願嚴淨一切佛刹願如是所發一切誓願圓滿

修行所成功德具足一切如來相好修諸對治一切
善法滅除一切生滅過患盡未來劫利益衆生誓願
無盡往昔所修一切菩薩三世相應力波羅蜜所謂
出生大願力普供諸佛力普淨佛刹力普修妙行力
普化衆生力往昔所修一切菩薩三世所行智波羅
蜜恒以一切微細境界圓滿智力啓悟法界一切衆
生無明睡眠咸令開覺究竟出生一切智道海幢比
丘各於其身從足至頂乃至一切毛孔之中所現境
界善財童子於念念中無不明見爾時善財一心觀
察海幢比丘深生渴仰憶念彼不思議三昧解脫隨
順彼不思議三昧自在思惟彼不思議利益衆生巧
方便海深入彼不思議無作妙用普莊嚴門愛樂彼
不思議甚深信解清淨境界觀察彼不思議莊嚴法
界清淨智安住彼不思議受佛究竟加持智出生彼
不思議菩薩自在力堅固彼不思議菩薩大願力增
廣彼不思議菩薩諸行力如是住立思惟觀察一日
一夜乃至終於七日七夜半月一月乃至六月復經
六日過此已後海幢比丘從三昧起善財爾時以身
布地恭敬作禮起立合掌歎未曾有讚言聖者如此
三昧希有奇特此三昧門最爲甚深此三昧門最爲

廣大此三昧門境界無量此三昧門神變難思此三昧門光明無等此三昧門莊嚴無數此三昧門威力難制此三昧門境界平等不動不亂此三昧門普照十方一切世界此三昧門方便無量有勝堪能所以者何如此三昧利益無盡以能除滅一切衆生無量苦蘊故所謂能令一切衆生斷貧窮業故出地獄苦故免畜生趣故絕餓鬼因故閉諸難門故開人天道故親近一切安樂法故出生人天殊勝樂欲令其愛樂定境界故能令增長有爲樂故能爲顯示勤求出離三界法故能爲引發勤求無上菩提心故能使增長大福智聚出生因故能令速疾增長廣博大悲心故能令出生廣大願力故能令照明菩薩智道故能使莊嚴波羅蜜道故能令深入最勝大乘故能令明了普賢妙行故能令趣入諸菩薩地智光明故能令積集成就菩薩諸願行故能令安住一切智智境界中故能令清淨一切菩薩變化力故能令勤求一切加持自在力故聖者此三昧門名爲何等海幢告言善男子此三昧名普眼捨得亦名般若波羅蜜境界清淨光明亦名平等清淨普莊嚴門善男子我以修習此平等清淨普莊嚴門而爲上首具足圓滿百萬

阿僧祇最勝最尊無比三昧善財白言聖者此三昧
境界究竟唯如是耶海幢言善男子此三昧門境界
甚深廣大無量若有修習身心寂靜入三昧時了知
十方一切世界無所障礙往詣十方一切世界無所
障礙出入十方一切世界無所障礙莊嚴十方一切
世界無所障礙修治十方一切世界無所障礙嚴淨
十方一切世界無所障礙見一切佛普偏十方無所
障礙觀一切佛廣大威德無所障礙知一切佛遊戲
神通無所障礙證一切佛甚深智力無所障礙入一
切佛大功德海無所障礙興一切佛無上法雲無所
障礙受一切佛無量法雨無所障礙於諸佛法修習
妙行無所障礙知一切佛轉妙法輪平等智性無所
障礙入一切佛道場衆海現神通力無所障礙隨順
十方一切諸佛所起妙行無所障礙觀察十方一切
諸佛演說妙法無所障礙普入十方一切佛刹咸起
神通無所障礙大悲攝受十方衆生令其出苦無所
障礙常起大慈充滿十方與衆生樂無所障礙普見
十方一切諸佛心無厭足無所障礙普入十方一切
衆生種種解海無所障礙普知十方一切衆生種種
根海無所障礙普知十方一切衆生種種業海無所

障礙善男子我唯知此般若波羅蜜清淨光明三昧
法門如諸菩薩摩訶薩所入甚深究竟智海所淨最
勝諸法境界所達一切諸佛法門所往十方無量佛
刹所有大智總持光明所住圓滿自在三昧所現清
淨種種神通所具無盡辯才大海所得無畏美妙音
聲善巧宣說諸地功德所能擁護一切衆生而我何
能知其妙行歎其功德顯其境界讚其願力現其光
明入其度門達其所證集其勝業了其次第如其普
偏住其三昧見其心境說其正道辯其威勢得其所
有平等智慧善男子從此南行至海潮處彼有大城
名圓滿光其城有王名妙圓光於彼城東有一園林
名普莊嚴王有夫人名伊舍那爲優婆夷止住此林
修菩薩行汝往彼問菩薩云何學菩薩行修菩薩道
時善財童子於海幢比丘所得最勝法獲堅固身證
三昧境究竟明徹住清淨解悟深法界其心隨順諸
佛教海於諸法門憶持不忘安住廣大普莊嚴門智
慧光照充滿十方心生歡喜踊躍無量五體投地禮
海幢足繞無量帀重復頂禮恭敬瞻仰思惟觀察想
其容止持其名號念其功德觀其行願憶其言音思
其三昧想其所行廣大境界受其所得總持智慧清

淨光明咨嗟戀慕辭退南行爾時善財童子蒙善知識力令功德身信解圓滿依善知識敎正念思惟念善知識語遞相開發於善知識行深生慚愧愛樂恭敬觀善知識心善巧攝受倍益歡喜作是念言因善知識令我普見一切諸佛因善知識令我普聞一切佛法善知識者是我師範示導於我一切智法普令見故善知識者是我眼目令我普見諸佛境界如虛空故善知識者是我渠流引我令入諸佛如來蓮華池故如是念念漸次南行向海潮處至彼城東見普莊嚴園衆寶垣牆周市圍繞一切寶樹行列莊嚴所謂諸寶葉樹枝葉扶疎光彩鮮明敷榮微妙諸寶華樹雨衆妙寶拘蘇摩華發焰舒光布散于地諸寶香樹吐妙香雲香氣氛氲普熏十方諸佛世界諸寶蔓樹雨大寶鬘莊嚴寶林處處垂下摩尼王樹普雨種種大摩尼寶徧布充滿隨處莊嚴一切天寶劫波衣飾寶音樂樹出妙樂器微風吹動發和雅音其音美妙過諸天樂諸寶資具莊嚴藏樹各雨衆寶珍奇玩好諸莊嚴具處處分布以爲嚴飾其地清淨無有高下寬廣平坦種種莊嚴園中具有百萬殿堂大摩尼

寶之所合成百萬樓閣閭浮檀金以爲校飾百萬宮殿毗盧遮那摩尼寶王間錯莊嚴雲構龍蟠延袤遠近甍棟相承勢如飛動百萬浴池七寶合成一切妙寶以爲其岸細妙金沙澄布其底七寶階道摩尼欄楯周帀圍繞四面莊嚴寶草芬芳夤緣際畔栴檀香水盈滿其中調適溫涼隨衆生意寶樹林間寶渠分布水精寶珠周徧間錯晝夜常流八功德水水中多有鳬鴈鴛鴦白鶴孔雀迦陵頻伽拘枳羅等雜色諸鳥飛集往來遊戲出沒整毛理翮游泳翻翔出妙好聲清切和雅猶如天樂令人樂聞寶多羅樹周帀行列覆以寶網垂諸金鉢微風徐搖恒出美音建立無數摩尼寶幢雜寶繪幡四面垂飾光明普照百千由旬其中復有百萬陂池香水湛然清瑩澄澈隨時堅綈栴檀香泥澄淨其下一切上妙衆寶蓮華茵蕡芬敷大摩尼華光色照耀園中復有廣大宮殿名莊嚴閣巍巍高大猶妙金山見者欣樂種種勝寶以爲莊嚴光藏摩尼恒吐妙光以爲照耀毗盧遮那藏摩尼寶王殊麗校飾輝映分明一切衆寶無價香王咸出

妙香普熏一切所謂具足一切最勝妙寶香王香氣
普騰氤氳成霧普現如意妙寶香王香氣隨應周聞
法界隨根覺悟妙寶香王凡所艱聞諸根聰利能於
正法精勤匪懈其宮殿中復有無量寶蓮華座周迴
布列所謂光照十方妙藏摩尼寶蓮華座毗盧遜那
如意摩尼寶蓮華座無垢藏摩尼寶蓮華座襍寶莊
嚴摩尼寶蓮華座普門莊嚴摩尼寶蓮華座圓光莊
嚴摩尼寶蓮華座安住海藏清淨莊嚴摩尼寶蓮華
座普焰光照摩尼寶蓮華座金剛藏師子摩尼寶蓮
華座照耀世間摩尼寶蓮華座如是無量摩尼寶蓮
莊嚴空中復有百萬寶帳所謂寶衣帳寶鬘帳寶華
帳寶香帳閻浮檀金帳寶枝垂覆帳雜寶摩尼帳妙
寶瓔珞帳光焰金剛帳諸天妓樂帳象王神變帳馬
王神變帳帝釋所坐摩尼寶帳如是種種寶莊嚴帳
嚴飾虛空復有百萬諸大寶網彌覆其上所謂寶鈴
網寶蓋網寶身網海藏真珠網紺瑠璃摩尼寶網師
子摩尼寶網月愛光明摩尼寶網一切人天種種形
像寶香網一切雜色寶冠網一切妙寶瓔珞網如是

等網各於其上垂覆莊嚴復有百萬大寶光明而爲照耀所謂焰光摩尼寶光明日藏摩尼寶光明月藏摩尼寶光明香焰摩尼寶光明吉祥焰藏摩尼寶光明蓮華焰藏摩尼寶光明焰幢摩尼寶光明大焰摩尼寶光明徧照十方摩尼寶光明普現香雲莊嚴具摩尼寶光明如是等類大寶光明而爲照耀常雨百萬莊嚴具雲隨意受用百萬隨時芬馥白栴檀香雲普熏道場百萬天諸妙樂雲音聲美妙百萬天曼陀羅華雲而爲布散百萬諸天鬘帶雲處處垂下以爲嚴飾百萬天寶繪綵雲處處垂布以爲衣服百萬過諸天寶瓔珞雲莊嚴林樹及諸樓閣百萬欲界天子欣樂瞻仰恭敬作禮百萬諸天姝女往修同行常來其所投身而下親近敬奉百萬諸大菩薩恒詣道場常樂聞法時伊舍那具大人相坐真金座戴海藏真珠網冠挂出過諸天真金寶釧垂紺青髮頂髻莊嚴吉祥焰藏摩尼寶王以爲髻帶毗琉璃摩尼寶以爲耳璫師子口摩尼寶緣飾耳輪大如意摩尼寶王以爲瓔珞莊嚴其頸大威德帝青摩尼寶網以覆其首種種光焰熾盛摩尼寶網羅覆其身百千億那由他衆生曲躬恭敬親近供養東方有無量衆生來詣

其所所謂大梵天梵輔天梵衆天如是色界一切諸
天欲界他化自在天化樂天兜率天夜摩天忉利天
諸龍夜叉乾闥婆阿脩羅迦樓羅緊那羅摩睺羅伽
及鳩槃茶闍羅王界大力鬼神乃至一切人及非人
諸王衆等南西北方四維上下亦復如是其有見此
優婆夷者身病心病種種所纏一切邪見障礙執著
所有感苦悉得除滅速離一切煩惱垢速拔一切
諸見毒刺疾破一切諸障礙山深入無礙清淨境界
種植一切圓滿善根長養一切善法根芽入於一切
清淨智門普獲一切陀羅尼門普證一切大三昧海
通達一切諸佛教海一切諸佛廣大願門無不開發
一切菩薩所修妙行皆悉現前一切如來功德大海
皆悉清淨其心廣大具足一切自在神通其身無礙
於一切處靡所不至普詣十方無所依著隨順成就
一切法門爾時善財童子入普莊嚴園周徧觀察見
伊舍那優婆夷往詣其所頂禮其足繞無數帀正立
合掌白言聖者我已先發阿耨多羅三藐三菩提心
而未知菩薩云何學菩薩行云何修菩薩道我聞聖
者善能誘誨諸菩薩衆願爲我說時伊舍那告善財
言善男子我得菩薩一解脫門無間修習若有衆生

暫見我身暫聞我名或聽我法憶念於我與我同住
親近隨順供給我者悉不唐捐善男子若有衆生不
種善根不爲善友之所攝受不爲諸佛之所護念雖
近於我經於多時與我同住終不能見善男子其有
衆生得見我者皆於阿耨多羅三藐三菩提獲不退
轉善男子東方所有一切如來應正等覺常來至此
處於衆寶妙師子座爲我說法南西北方四維上下
一切如來悉來至此處於寶座爲我說法善男子我
常不離見佛聞法與諸菩薩而共同住不離菩薩三
昧解脫善男子我此會衆有八萬四十億那由他常
在於此普莊嚴園與我同住皆於往昔與我修習一
切菩薩同類行門不相離故一切咸於阿耨多羅三
藐三菩提得不退轉其餘衆生或久或近住此園者
一切修我同類行門亦皆普入不退轉位善財白言
聖者發阿耨多羅三藐三菩提心爲久近耶答言善
男子我憶曾於燃燈佛所親近承事修行梵行恭敬
供養聞法受持次前於離垢佛所出家學道受持正
法次前於星宿幢佛所聞法修行歡喜供養次前於
妙勝吉祥佛所次前於蓮華德藏佛所次前於毗盧
遮那佛所次前於普眼佛所次前於梵壽佛所次前

於金剛齊佛所次前於水天佛所善男子我憶過去
於無量劫無量生中如是次第三十六恒河沙佛所
皆悉親近一心承事恭敬供養出家學道所受正法
所發誓願所入三昧所證解脫如是一切種種行門
我皆憶持心無廢忘過此已往佛智所知非我能測
善男子應知菩薩初發心無有量充滿一切法界故
菩薩大悲門無有量普入一切衆生界故菩薩大願
門無有量究竟十方一切法界故菩薩大慈門無有
量普覆一切衆生界故菩薩所修行無有量於一切
刹一切劫中恒修習故菩薩三昧力無有量令菩薩
道不退轉故菩薩總持力無有量能持世間隨所應
用敎法海故菩薩聰明力無有量普能悟入三世佛
教功隨順故菩薩神通力無有量普現十方一切所
有諸刹網故菩薩辯才力無有量圓音一演令諸衆
生隨類解故菩薩清淨身無有量現身普偏諸佛刹
故

大方廣佛華嚴經卷第七

音釋

擎渠京切
托也

垣牆

垣雨元切牆在良
切卑曰垣高曰牆構古候切架也合也

延以然切延亘也

甍

音耕切屋棟也

鳬

音扶野鷺也

拘枳羅

梵語也此云好聲
之鳥也枳音止
切懸古暗切舍也謂
也青色而含赤也緣飾
御馬監太監李文進施賛刻
華嚴經普賢行願品第七卷 河南北丘海舟對
厥寧唐士登書 江寧李士甫刻
萬曆辛卯春清涼山妙德庵識

下華切羽莖近魚觀切
翮也又勁羽也近漬津也挂
古音切舍也謂緣飾緣俞絹切亦飾也唐
力唐捐音謂徒棄也

大方廣佛華嚴經卷第八
唐罽賓國三藏般若奉詔譯
入不思議解脫境界普賢行願品之八
爾時善財童子白言聖者久如當得阿耨多羅三藐
三菩提答言善男子菩薩不爲教化調伏一衆生故
發菩提心不爲教化調伏百衆生故發菩提心不爲
教化調伏千衆生故發菩提心不爲教化調伏百千
衆生故發菩提心乃至不爲教化調伏不可說不可說
說轉衆生故發菩提心不爲教化成熟一世界衆生
故發菩提心乃至不爲教化成熟不可說不可說轉

世界衆生故發菩提心不爲敎化成熟一閻浮提極
微塵數世界衆生故發菩提心不爲成熟一四天下
極微塵數世界衆生故發菩提心不爲成熟心千世
界極微塵數世界衆生故發菩提心不爲成熟中千
世界極微塵數世界衆生故發菩提心不爲成熟三
千大千世界極微塵數世界衆生故發菩提心乃至
不爲敎化成熟不可說不可說轉三千大千世界極
微塵數世界衆生故發菩提心復次菩薩不爲親近
供養一如來故發菩提心乃至不爲親近供養不可
說不可說轉佛刹極微塵數諸如來故發菩提心不
爲親近供養一世界中盡未來劫次第興世諸如來
故發菩提心乃至不爲親近供養不可說不可說轉
世界中盡未來劫次第興世諸如來故發菩提心不
爲親近供養一佛刹極微塵數世界中盡未來劫次
第興世諸如來故發菩提心乃至不爲親近供養不
可說不可說轉佛刹極微塵數世界中盡未來劫次
第興世諸如來故發菩提心復次菩薩不爲嚴淨一
世界故發菩提心乃至不爲嚴淨不可說不可說轉
世界故發菩提心不爲嚴淨一佛刹極微塵數世界
故發菩提心乃至不爲嚴淨不可說不可說轉佛刹

極微塵數世界故發菩提心復次菩薩不爲受持一
如來敎故發菩提心乃至不爲受持不可說不可說
轉佛刹極微塵數如來敎故發菩提心復次菩薩不
爲修習一如來願故發菩提心乃至不爲修習不可
說不可說轉佛刹極微塵數如來願故發菩提心復
次菩薩不爲往一佛刹故發菩提心乃至不爲往不
可說不可說轉佛刹極微塵數諸佛刹故發菩提心
復次菩薩不爲莊嚴一如來衆會故發菩提心乃至
不爲莊嚴不可說不可說轉佛刹極微塵數如來衆
會故發菩提心復次菩薩不爲受持一佛所轉妙法
輪故發菩提心乃至不爲受持不可說不可說轉佛
刹極微塵數如來所轉妙法輪故發菩提心復次菩
薩不爲住持一如來遺法故發菩提心乃至不爲住
持不可說不可說轉佛刹極微塵數如來遺法故發
菩提心不爲住持一世界中盡未來劫次第出現如來
遺法故發菩提心乃至不爲住持不可說不可說
轉佛刹極微塵數世界中盡未來劫次第出現如來
界中盡未來劫次第出現如來遺法故發菩提心不
爲住持一四天下極微塵數世界中盡未來劫次第

出現如來遺法故發菩提心乃至不爲住持不可說
不可說轉佛刹極微塵數世界中盡未來劫次第出
現如來遺法故發菩提心如是略說不爲滿一佛誓
願故不爲往一佛國土故不爲入一佛衆會故不爲
持一佛法眼故不爲轉一佛法輪故不爲知一世界
中諸劫次第故不爲知一衆生種種心海故不爲知
一衆生種種根海故不爲知一衆生種種業海故不
爲知一衆生種種行海故不爲知一衆生種種煩惱
海故不爲知一衆生種種煩惱習氣海故乃至不爲
知不可說不可說轉佛刹極微塵數衆生種種煩惱
習氣海故發菩提心何以故菩薩爲欲教化調伏一
切衆生悉無餘故發菩提心爲欲嚴淨一切諸佛所有刹
土悉無餘故發菩提心爲欲守護一切佛教悉無餘
故發菩提心爲欲隨順一切如來所行之道悉無餘
故發菩提心爲欲成滿一切如來廣大誓願悉無餘
故發菩提心欲往一切諸佛國土悉無餘故發菩提
心欲入一切諸佛衆會悉無餘故發菩提心欲知一
切諸世界中諸劫次第悉無餘故發菩提心欲知一
切衆生心海悉無餘故發菩提心欲知一切衆生根

海悉無餘故發菩提心欲知一切衆生業海悉無餘
故發菩提心欲知一切衆生行海悉無餘故發菩提
心欲滅一切衆生諸煩惱海悉無餘故發菩提心欲
拔一切衆生煩惱習氣海悉無餘故發菩提心善男
子取要言之菩薩以如是等百萬阿僧祇方便行故
發菩提心善男子菩薩行普入一切法皆證得故普
入一切刹悉嚴淨故是故善男子嚴淨一切世界盡
我願乃盡悉知十方一切世界劫次第盡我願乃盡
悉得十方一切諸佛功德海盡我願乃盡次第修習
一切菩薩精進海盡我願乃盡莊嚴十方一切諸佛
衆會海盡我願乃盡悉見十方一切衆生心樂海盡
我願乃盡悉知十方一切衆生根器海盡我願乃盡
普觀十方一切衆生諸行海盡我願乃盡竭十方一
切衆生惑業海盡我願乃盡悉滅十方一切衆生衆
苦海盡我願乃盡悉拔十方一切衆生習氣海盡我
願乃盡善男子如是乃至百千萬億阿僧祇菩薩行
門皆悉圓滿悉無餘故我願乃滿是故菩薩爲欲成
滿一切智故爲欲隨順菩薩行故爲欲嚴淨一切刹
故於一切法勇猛勤求無有懈息善男子應知菩薩
發菩提心所修行願所有志樂廣大如法界究竟如

虛空究竟無窮盡故我願究竟亦無有盡法界廣大無邊際故我願廣大亦無邊際諸衆生界究竟無盡故我願究竟亦無有盡善財童子白言聖者此解脫門名爲何等伊舍那言善男子此解脫名離憂安隱幢善男子我唯知此一解脫門如諸菩薩摩訶薩樂欲深廣猶如大海容受佛法心無厭足志意堅固如須彌山所修正行不可傾動所作不空如善見藥能除衆生煩惱重病無礙慧身如明淨日滅諸衆生無明闇障無盡大悲猶如大地普作一切衆生所依福智功德猶如好風與諸衆生作大義利普照世間猶如燈燭能生一切智慧光明普現其身猶如大雲能與衆生雨寂滅法福德光明猶如滿月能令見者咸得安樂威德尊勝猶如帝釋悉能守護一切衆生而我云何能知能說彼諸菩薩難思戒定無邊法海功德行願善男子於此南方海潮之處有一國土名那羅素中有仙人名大威猛聲汝詣彼問菩薩云何學菩薩行修菩薩道時善財童子禮伊舍那優婆夷足繞無數市殷勤瞻仰悲泣流淚作是思惟善知識者難可出現如優曇華善知識者最極難值善知識者難得親近善知識者難得承事善知識者難令歡喜

復作是念得菩提難得菩薩諸根難淨菩薩諸根難
值同行善知識難積集菩薩廣大善根難寂靜菩薩
廣大境界難如理觀察菩薩行願隨順思惟菩薩教
法難依教修行菩薩妙行難憶念出生菩薩善心難
速疾發起菩薩方便難善巧增長一切智法光明難
作是念已辭退而去爾時善財童子隨順思惟菩薩
正教隨順思惟菩薩淨行起速疾增長一切菩薩福
力心起速疾普見一切諸佛光明心起速疾獲得一
切法藏心起速疾增長一切大願心起速疾現見十
方諸法心起速疾明照諸法本性心起速疾散滅一
切障礙心起速疾觀察法界無間心起速疾能壞內
垢金剛心起速疾摧伏魔王軍衆心起速疾清淨意
寶莊嚴心如是思惟漸漸遊行至邪羅素國周徧尋
覓大威猛仙見一大林其林蓊鬱阿僧祇樹以爲莊
嚴所謂種種葉樹枝條扶疎密葉翡翠種種華樹柯
葉布濩繁華鮮美種種果樹相續成熟種種寶樹雨
摩尼果大栴檀樹處處行列諸沉水樹常出好香闇
浮蘭樹恒雨甘果悅意香樹妙香莊嚴波吒羅樹其
華鮮榮香芬馥四面圍繞尼拘陀樹其身聳擢枝
葉繁布盤旋如蓋優鉢羅華波頭摩華拘物頭華芬

陁利華處處開敷以嚴池沼時善財童子入此大林見栴檀樹其身洪直枝條垂布華葉繁密偃蓋成蔭時彼仙人在此樹下縈髮爲髻藉以香草十千仙衆前後圍繞其諸仙人或衣鹿皮或衣樹皮或編細草種種衣服髻環垂鬢瞻仰而住善財見已往詣其所五體投地深心頂禮作如是言我今得遇真善知識復作是念善知識者則是趣向一切智門令我得入真實道故善知識者則是趣向一切智乘令我得至如來地故善知識者則是趣向一切智船令我得至智寶洲故善知識者則是趣向一切智炬令我得生十力光故善知識者則是趣向一切智道令我速入涅槃城故善知識者則是趣向一切智燈令我得辯邪正路故善知識者則是趣向一切智橋令我得度生死流故善知識者則是趣向一切智蓋令我獲得慈悲蔭故善知識者則是趣向一切智津令我速達功德岸故善知識者則是趣向一切智眼令我得見法性門故善知識者則是趣向一切智潮令我應限不失時故作是語已從地而起繞無量帀合掌前立白仙人言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖

者善能誘誨願爲我說時彼仙人顧盼仙衆而告之
言諸仁當知此童子已發阿耨多羅三藐三菩提心
此童子欲施一切衆生無畏此童子欲與一切衆生
利益此童子欲惠一切衆生安樂此童子欲觀一切
諸佛智海此童子欲蔭一切如來法雲此童子欲遊
一切諸佛教海此童子欲燄一切大智明燈此童子
欲起一切大慈悲雲此童子欲飲一切甘露法水此
童子欲雨一切廣大法雨此童子欲以智月普照世
間此童子欲滅衆生煩惱毒熱此童子欲施世間善
法清涼此童子欲長含識一切善根時諸仙衆聞是
語已各以種種上妙香華散善財上布身作禮繞無
量希稱揚讚歎作如是言今此童子必能救護一切
衆生必能除滅諸地獄苦必能永斷諸畜生趣必能
永離閻羅王界必能關閉諸難處門必能乾竭諸愛
欲海必能解脫貪欲纏縛必能永滅衆生苦蘊必能
永破無明黑暗必以福德大輪圍山周護世間令其
安樂必以智慧大寶須彌顯示世間功德智聚必以
清淨無礙智日開示一切善根法藏必令衆生開淨
智眼明識世間歸於正道時大威猛聲告羣仙言善
男子若有能發阿耨多羅三藐三菩提心必能勇猛

行菩薩行必能饒益一切衆生必與衆生廣大利樂
必能成就一切智道此善男子已發阿耨多羅三藐
三菩提心當淨一切佛功德地說是語已告善財言
善男子我得菩薩無勝幢解脫門善財白言聖者此
解脫門境界云何時彼大仙卽伸右手摩善財頂執
善財手卽時善財自見其身普往十方百千佛刹極
微塵數諸世界中普詣十方百千佛刹極微塵數諸
如來所見彼佛刹及其衆會種種莊嚴亦見彼佛種
種相好光明熾盛亦聞彼佛隨諸衆生心之所樂而
演說法一文一句皆悉通達各別領受諸佛法輪各
別記持開發義理前後次第無有雜亂亦知彼佛所
度衆生種種樂欲隨其根性雨諸法雨各得成熟亦
知彼佛於往昔時以種種解淨諸願海亦知彼佛以
清淨願成就諸力亦見彼佛隨衆生心所現種種差
別色身亦見彼佛大光明網種種色相圓滿清淨亦
知彼佛無障礙智道場衆會清淨莊嚴又自見身普
於一切諸如來所親近供養受持正法或於佛所一日一夜或於佛所七日七夜或經半月或經一月一
年十年百年千年或百千年或經億年百億千億百
千億年或阿庾多億年或那由他億年或經半劫或

經一劫百劫千劫或百千億阿庾多那由他億劫乃至不可說不可說佛刹極微塵數劫如是一切咸悉了知無不通達爾時善財童子爲菩薩無勝幢解脫智光明照故得毗盧遮那藏三昧光明爲無盡智解脫三昧光明照故得普攝諸方現諸方身陀羅尼光明爲金剛輪陀羅尼光明照故得清淨境界智慧聚三昧光明爲普門際境界莊嚴藏般若波羅蜜光明照故得佛圓滿虛空藏三昧光明爲一切佛戒定慧法輪三昧光明照故得三世無盡圓滿智三昧光明時彼仙人放善財手善財童子卽自見身還在本處仙人告言善哉男子汝憶念耶善財言唯此是聖者善知識力令我憶念分明顯現仙人告言善男子我唯知此菩薩無勝幢解脫門如諸菩薩摩訶薩成就一切殊勝三昧於一切時而得自在於一念頃出生諸佛無量智慧微妙境界以佛智慧而爲莊嚴普照世間無有障礙一念普入三世境界分形徧往十方刹海智身普入一切法界隨衆生心普現其前放淨光明令其愛樂觀其根行而爲利益而我云何能知能說彼功德行彼殊勝願彼莊嚴刹彼智境界彼三昧所行彼神通變化彼解脫遊戲彼身相差别彼音

聲清淨彼智慧光明彼三世境界彼色身徧往彼智
身普照彼隨樂普現彼隨時饒益彼隨俗軌儀彼圓
音所說彼清淨妙行彼光網所照善男子於此南方
有一聚落名伊沙那彼有住處名阿野怛那有婆羅
門名曰勝熱汝詣彼問菩薩云何學菩薩行修菩薩
道時善財童子歡喜踊躍生愛敬心頂禮其足繞無
數帀殷勤瞻仰辭退南行爾時善財童子爲菩薩無
勝幢解脫門光明照其心故得住諸佛不思議境界
種種神通力證菩薩不思議解脫種種神通智得菩
薩不思議三昧智光明得一切時恒熏習三昧智光
明得徧了知一切境界皆依想所住三昧智光明得
入一切世間具足殊勝智光明以得如是智光明故
於一切處皆隨現身隨一一身以究竟智皆悉演說
究竟平等無二無別無分別法以明淨智普照境界
凡所聽聞甚深解脫清淨法藏皆能忍受信解清淨
決定明了諸法自性無有疑惑心恒不捨修習一切
菩薩妙行勇猛精進趣一切智無有退轉獲得十力
差別智光愛樂深法常無厭足以正修行住一切智
其心正向入佛境界出生菩薩廣大莊嚴圓滿無邊
清淨大願以無障礙智知無邊世界網以無懈怠心

度無邊衆生海普偏了達無邊菩薩諸行境界普見
無邊一切世界種種差別普入無邊廣狹龐妙一切
世界普知無邊一切世界種種想網普知無邊一切
世界諸安立諦普了無邊一切世界言辭稱讚普知
無邊一切衆生種種信解普知無邊一切衆生成熟
時節普知無邊一切衆生種種心想普見無邊一切
衆生種種色相隨其所應方便成熟念善知識漸次
遊行至伊沙那聚落見勝熱婆羅門修諸苦行於赫
日中四面火聚猶如大山中有刀山高峻無極爲欲
勤求一切智智登彼刀山投身入火時善財童子既
至其所頂禮其足合掌而立白言聖者我已先發阿
耨多羅三藐三菩提心而未知菩薩云何學菩薩行
云何修菩薩道我聞聖者善能誘誨願爲我說婆羅
門言善男子汝今若能登此刀山投身火聚諸菩薩
行悉得清淨時善財童子作如是念得人身難離諸
難難得無難難離惡法難得淨法難遇佛出世難具
足諸根難得聞正法難得遇善人難逢真善知識難
受如理正教難得正命自活難得隨法修行難此將
非魔魔所使耶將非是魔險惡徒黨詐現菩薩善知
識相與諸菩薩而作冤敵而欲爲我作善根難作壽

命難作梵行難障我修行一切智道牽我令人邪惡
趣中障我所證解脫法門障我所求無上佛法作是
念時十千梵天住虛空中作如是言善男子莫作是
念莫作是念今此聖者得金剛焰三昧光明發大精
進勇猛不退誓入生死度諸衆生欲竭一切諸貪欲
海欲截一切諸邪見網欲燒一切諸煩惱薪欲普運
度諸險難磧欲盡除斷老病死怖欲盡吹壞無明障
山欲普引導出惑稠林欲放一切妙法光明普照三
世愚癡黑闇善男子我諸梵天執著邪見皆悉自謂
是自在者是能作者我爲一切世間最勝此婆羅門
五熱炙身時其火光明照我宮殿我卽開悟於自所
居及諸禪定心無樂著皆共來詣婆羅門所時婆羅
門以神通力卽爲我等現大苦行令我滅除一切邪
見爲我說法令我斷除一切憍慢普爲一切世間衆
生住於大慈行於大悲起廣大心發菩提意住堅固
願欣求解脫常見諸佛恒聞妙法於一切處心無所
著能轉一切圓滿法輪其聲無礙普偏一切復有十
千諸魔天衆住虛空中以天摩尼寶散婆羅門上告
善財言善男子此婆羅門五熱炙身時其火光明映
奪我等所有宮殿及身瓔珞諸莊嚴具一切光明皆

如聚墨令我於中不生樂著我與眷屬來詣其所時
婆羅門爲我說法令我及餘無量天子諸天女等於
阿耨多羅三藐三菩提得不退轉復有十千他化天
王於虛空中各散天華作如是言善男子此婆羅門
五熱灸身時其火光明映奪於我所有宮殿瓔珞嚴
具一切光明皆如聚墨令我於中不生愛著卽與眷
屬來詣其所時婆羅門爲我說法令我身心而得自
在於煩惱中而得自在於受生中而得自在於壽命
中而得自在於業障中而得自在於諸三昧而得自
在於莊嚴具而得自在於菩提心而得自在乃至能
於一切佛法而得自在復有十千化樂天王住虛空
中作天音樂以美妙聲恭敬供養作如是言善男子
此婆羅門五熱灸身時其火光明照我宮殿諸莊嚴
具所有光明隱蔽不現能令我身及諸殊女於五欲
中不生愛著不受欲樂身心柔軟卽與眷屬來詣其
所時婆羅門爲我說法令我等心得清淨心得明
潔心得堪能心得純善心極柔軟心生歡喜乃至令
得具足十力清淨智身出生無量清淨色身演出無
量清淨言辭出生無量如來音聲悟入無量如來之
心具足獲得一切智智復有十千兜率天王天子天

女無量眷屬於虛空中起諸香雲雨衆妙香恭敬供養作如是言善男子此婆羅門五熱炙身時光照我宮令我諸天及其眷屬於自宮殿不生愛著不貪欲樂來詣其所時婆羅門爲我說法能令我等斷除一切五欲愛著少欲知足心生歡喜心得充滿生諸善根發菩提心乃至圓滿一切佛法復有十夜摩天王并其眷屬天子天女前後圍繞於虛空中以天曼陀羅華摩訶曼陀羅華拘蘇摩華散婆羅門上恭敬供養作如是言善男子此婆羅門五熱炙身時光照我宮能令我等集會之時於天音樂不生貪著亦不愛樂已身眷屬來詣其所聞其說法於諸欲樂悉生捨離廻向趣求一切佛法復有十十三十三天帝釋諸王并其眷屬天子天女前後圍繞於虛空中兩天衣服衆寶瓔珞天莊嚴具拘蘇摩華恭敬供養作如是言善男子此婆羅門五熱炙身時光照我宮令我天衆於其宮殿殊勝集會遊戲園林天諸音樂娛樂之處不生愛樂卽與眷屬來詣其所時婆羅門爲我等說一切諸法皆悉無常遷流變動敗壞磨滅令我斷除憍慢放逸令我愛樂無上菩提善男子我當見此婆羅門時須彌山頂六種震動我等諸天見是相

已極生恐怖厭離之心卽時發起阿耨多羅三藐三菩提意咸願趣求一切智智復有十千諸大龍王所謂伊羅鉢那龍王難陁龍王優波難陁龍王等於虛空中布大香雲普雨無量隨時栴檀微細香雨無數龍女奏天音樂雨天妙華及天香水恭敬供養作如是言善男子此婆羅門五熱炙身時其火光明照我宮殿令諸龍衆離熱沙怖金翅鳥怖除滅瞋恚身得清涼心無垢濁泰然安隱復爲我等如應說法聞法信解厭惡龍趣以至誠心悔除一切諸惡業障乃至發阿耨多羅三藐三菩提心究竟安住一切智智復有十千諸夜叉王於虛空中各以種種上妙供具恭敬供養此婆羅門及以善財作如是言善男子此婆羅門五熱炙身時能令我等及諸眷屬悉於衆生發慈愍心一切羅刹鳩槃茶等亦生慈心以慈心故於諸衆生無所惱害能施安樂各與眷屬俱來見我我及彼等卽共來詣婆羅門所時婆羅門爲我說法能令我等一切皆得身心安樂增長威力又令無量夜叉羅刹鳩槃茶等發於無上菩提之心

音釋

大方廣佛華嚴經卷第八

翁翠

翁鳥孔切翁鬱草木盛貌翠七醉切深青色也

聳聳息拱切高也

切出也

藉慈夜切或衣著衣於既切

擢直角切高也

諸難

上難字平聲七迹切沙漠乃爲之磧

難離之石切

翅膀

翅音試金下難字去聲乃爲之磧

翅視也

翹鳥

名也

汾僵

僵任世新姜應賓任思林段承恩任思寶任元法任應海任邦愛

任世清任世傑樊公相任尚紀任成銀刻此

慈嚴經普賢行願品第八卷

慈嚴經普賢行願品第八卷河南北丘汝舟對曉章唐士登書

禪門空善斯

萬曆辛卯春清涼山妙德庵識

萬曆辛卯春清涼山妙德庵識

之石切

大方廣佛華嚴經卷第九

唐罽賓國三藏般若奉詔譯

入不思議解脫境界普賢行願品之九

復有十千乾闥婆王於虛空中作如是言善男子此婆羅門五熱灸身時其火光明照我宮殿及諸眷屬悉令我等受不思議無量快樂是故我等來詣其所此婆羅門爲我說法能令我等於阿耨多羅三藐三菩提得不退轉復有十千阿脩羅王從大海出住虛空中舒右膝輪合掌禮敬作如是言善男子此婆羅門五熱灸身時我阿脩羅所有宮殿大地諸山悉皆

震動大海波濤涌浪騰沸令我眷屬失其威力捨憍慢心離諸放逸息除戰鬪傷害之心是故來詣婆羅門所從其聞法未離詭入深法忍住於三昧成就十力堅固不動復有十千迦樓羅王大力勇持迦樓羅王而爲上首於虛空中化作廣大童子之形容貌端嚴色相具足於虛空中唱如是言善男子此婆羅門五熱炙身時其火光明照我宮殿一切震動而令我等皆悉恐怖不樂住處生厭離心來詣其所時婆羅門卽爲我等如應說法能令我等修習大慈增長大悲令其精進不捨善軛令於五欲拔出衆生令其發起大菩提心令入甚深清淨法界令其獲得明利智慧方便善巧調伏衆生復有十千緊那羅王於虛空中唱如是言善男子此婆羅門五熱炙身時從火焰中有大風起吹我宮殿園林池沼寶多羅樹諸寶鈴網諸寶繒綵瓊珞鬘帶諸音樂樹諸妙寶樹及諸樂器一切資具咸皆震動自然演出佛聲法聲及不退轉菩薩僧聲發起大願菩薩道聲住於無上正等覺聲云某方某界某國某處有某菩薩發菩提心出生大願某方某界某國某處有某菩薩修行苦行於身命財難捨能捨某方某界某國某處有某菩薩爲

速圓滿一切智智積集菩薩功德妙行乃至究竟無作法門某方某界某國某處有某菩薩往詣道場坐菩提樹降魔軍衆成等正覺乃至某方某界某國某處有某如來轉大法輪某方某界某國某處有某如來作佛事已而般涅槃善男子假使有人以闇浮提地及草木一切所有未爲微塵此微塵數可知邊際我宮殿中寶多羅樹乃至樂器莊嚴具等所出音聲演說菩薩名如來名法名僧名所發大願所捨諸行及佛菩薩所遊所住所說所化無有能得知其邊際善男子我等以聞佛聲法聲菩薩僧聲菩薩所住行願聲故生大歡喜來詣其所時婆羅門卽爲我等如應說法令我及餘無量衆生於阿耨多羅三藐三菩提得不退轉復有無量欲界天子現高大身住虛空中以諸種種上妙供具恭敬供養作如是言善男子此婆羅門五熱灸身時其火光明下照阿鼻及諸地獄諸所受苦悉令休息我等遇此光明照故心生淨信以信心故罪垢除滅從彼命終生於天中以慚愧故爲知恩故捨離欲樂而來其所恭敬戀仰無有厭足時婆羅門爲我說法能令我等及與無量百千衆生發阿耨多羅三藐三菩提心爾時善財童子得聞

如是種種說法心大歡喜踊躍無量於婆羅門所發起真實善知識想頭頂禮足恭敬合掌唱如是言我於大聖善知識所生不信心而懷疑惑唯願聖者容我悔過時婆羅門卽爲善財而說偈曰

若有諸菩薩順善知識教一切無疑惑
安住心不動彼當決定得諸佛自然智

降魔坐道場廣度無邊衆

爾時善財童子聞此偈已卽登刀山自投火聚來至中間卽得菩薩善住堅牢清淨三昧纔觸火焰復得菩薩寂靜樂神通門三昧善財白言甚奇聖者如是刀鋒及大火焰我身觸時安隱快樂時婆羅門告善財言善男子我唯得此菩薩普圓滿無盡輪解脫如諸菩薩摩訶薩大功德焰悉能燒盡一切衆生諸見煩惱安住菩薩無退轉心無窮盡心無懈怠心無怯弱心如那羅延金剛藏心疾修諸行無慢惰心大願風輪普持一切勇猛堅誓無有退轉而我云何能知能說彼功德行善男子南方有城名師子輦伸彼城有王名無畏星宿幢王有童女名爲慈行汝詣彼問菩薩云何學菩薩行修菩薩道時善財童子頂禮其足繞無數匝殷勤瞻仰辭退而去爾時善財童子於

善知識所起不思議最極尊重心生廣大清淨信解
心常念大乘恒不捨離心專求佛智常無異念心觀
法境界無有疑惑一心繫念隨善知識無障礙智常
現在前決定住於真實智際善能分別諸法實際普
入三世諸刹那際隨順解了如虛空際現見諸法恒
無二際住於法界無分別際入一切義無障礙際住
一切劫無失壞際隨順調伏諸業性際如來最勝不
共法際解了如來無際之際以最勝智悉能破壞一
切執著顛倒想網不取一切同異刹土差別之相亦
復不取一切諸佛衆會道場和合之相不取佛刹清
淨之相了知衆生皆無有我及衆生相亦知一切音
聲語言如空谷響亦知一切差別衆色皆如影像如
是思惟正念觀察漸次南行向師子蠶伸城周徧詢
求慈行童女聞衆人言彼是王女處在王宮五百童
女以爲侍從住毗盧遮那摩尼藏殿於龍勝栴檀足
金線綱天衣座上而說妙法善財聞已詣王宮門一
心渴仰求見彼女干時乃見無量人衆來入宮中善
財問言諸人今者欲何所詣人咸報言我等欲詣慈
行童女聽受妙法善財卽念此王宮門旣無限礙我
亦應入遂入王宮見其實殿玻瓈爲地瑠璃爲柱金

剛爲壁闇浮檀金以爲垣牆衆寶欄楯百千襍寶光明普照而爲牕牖阿僧祇勝摩尼寶而莊校之寶藏摩尼鏡圓滿莊嚴世中最上光藏摩尼寶晝夜光明以爲照耀無數寶網周帀彌覆牕闇交映衆寶相輝百千金鈴懸置其上出妙音聲有如是等不可思議衆寶嚴飾其慈行童女皮膚金色眼紺紫色髮紺青色以梵音聲而演說法善財見已頂禮其足繞無數帀合掌前住作如是言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖者善能誘誨願爲我說時慈行童女告善財言善男子汝應觀我宮殿莊嚴善財頂禮周徧觀察見一一壁中一一柱中一一鏡中一一相中一一形中一一摩尼寶中一一莊嚴具中一一金鈴中一一寶樹中一一寶形像中一一寶瓔珞中悉見法界一切如來從初發心修菩薩行成滿大願具足功德成等正覺轉妙法輪乃至示現入於涅槃如是影像靡不皆現如淨水中普見虛空日月星宿所有衆像如此皆是慈行童女過去世中善根之力爾時善財童子憶念所見諸佛之相合掌瞻仰慈行童女爾時童女告善財言善男子此是般若波羅蜜普莊嚴

門我於三十六恒河沙佛所求得此法彼諸如來各以異門令我入此般若波羅蜜普莊嚴門一佛所演餘不重說善財白言聖者此般若波羅蜜普莊嚴門境界云何童女答言善男子我入此般若波羅蜜普莊嚴門隨順趣向思惟觀察憶持分別所有境界所有威儀所有相狀所有證入卽時獲得普偏出生阨羅尼門百萬阿僧祇阨羅尼門皆悉現前如水漩渦速疾顯現所謂佛陀羅尼門法阨羅尼門佛刹阨羅尼門衆生阨羅尼門普偏阨羅尼門過去阨羅尼門未來阨羅尼門現在阨羅尼門常住際阨羅尼門福德阨羅尼門福德聚阨羅尼門智慧阨羅尼門智慧聚阨羅尼門諸願阨羅尼門分別諸願阨羅尼門行阨羅尼門行清淨阨羅尼門行修習阨羅尼門行圓滿阨羅尼門業流注阨羅尼門業現前所作阨羅尼門捨離惡業阨羅尼門修習正業阨羅尼門業自在阨羅尼門善行阨羅尼門常持善行阨羅尼門三昧淨阨羅尼門隨順三昧阨羅尼門觀察三昧阨羅尼門三昧境界阨羅尼門從三昧起阨羅尼門神通阨羅尼門心海阨羅尼門種種心阨羅尼門直心阨羅尼

門清淨心阨羅尼門照心稠林阨羅尼門心地清淨
阨羅尼門知衆生心所生處阨羅尼門知衆生微細
心阨羅尼門知衆生煩惱行阨羅尼門知煩惱習氣
阨羅尼門知煩惱方便阨羅尼門知煩惱所作阨羅
尼門知衆生信阨羅尼門知衆生解阨羅尼門知衆
生行阨羅尼門知衆生信解諸行差別阨羅尼門知
衆生性阨羅尼門知衆生欲阨羅尼門知衆生想阨
羅尼門知世界所起阨羅尼門普見十方阨羅尼門
普見一切法阨羅尼門說法阨羅尼門大慈阨羅尼
門大悲阨羅尼門寂靜阨羅尼門語言道阨羅尼門
解脫阨羅尼門普偏出生阨羅尼門無著際阨羅尼
門方便非方便阨羅尼門隨順阨羅尼門差別阨羅
尼門普入阨羅尼門無礙際阨羅尼門普偏一切阨
羅尼門佛法阨羅尼門菩薩法阨羅尼門聲聞法阨
羅尼門獨覺法阨羅尼門世間法阨羅尼門世界成
阨羅尼門世界壞阨羅尼門世界住阨羅尼門淨世界
莊嚴阨羅尼門世界形狀阨羅尼門狹世界阨羅尼
門廣世界阨羅尼門垢世界阨羅尼門淨世界阨羅尼
尼門於淨世界現垢世界阨羅尼門於垢世界現淨
世界阨羅尼門純垢世界阨羅尼門純淨世界阨羅

尼門垢淨世界陁羅尼門淨垢世界陁羅尼門平坦
世界陁羅尼門高下世界陁羅尼門覆世界陁羅尼
門仰世界陁羅尼門側世界陁羅尼門世界網陁羅
尼門世界轉陁羅尼門世界各別依想住陁羅尼門
世界行陁羅尼門細入麁陁羅尼門麁入細陁羅尼
門大入小陁羅尼門小入大陁羅尼門見諸佛陁羅
尼門分別佛身陁羅尼門見佛光明莊嚴網陁羅尼
門聞佛圓滿妙音聲陁羅尼門佛轉法輪陁羅尼門
佛法輪成就陁羅尼門佛法輪差別陁羅尼門佛法
輪無差別陁羅尼門佛法輪訓釋陁羅尼門佛法輪
旋轉陁羅尼門佛身普偏陁羅尼門佛會圓滿陁羅
尼門能作佛事陁羅尼門了知佛會差別相陁羅尼
門偏入佛衆會海陁羅尼門諸佛光照陁羅尼門諸
佛三昧陁羅尼門諸佛三昧自在用陁羅尼門諸佛
住處陁羅尼門諸佛加持陁羅尼門諸佛變化陁羅
尼門諸佛遊戲陁羅尼門佛知衆生心行差別陁羅
尼門諸佛神通種種變現陁羅尼門住兜率宮所作
業陁羅尼門乃至示現入于涅槃陁羅尼門利益衆
生陁羅尼門入甚深法陁羅尼門入微妙法陁羅尼
門菩提心相陁羅尼門菩提心所從生陁羅尼門菩

提心助道相阨羅尼門諸願阨羅尼門諸行阨羅尼
門神通相阨羅尼門出離相阨羅尼門總持清淨相
阨羅尼門智輪清淨相阨羅尼門智慧清淨相阨羅
尼門無量解脫相阨羅尼門念力清淨阨羅尼門自
心清淨阨羅尼門善男子我唯知此般若波羅蜜普
莊嚴門如諸菩薩摩訶薩其心廣大等虛空界入於
法界智慧寬博福德成滿堅固不動住出世法遠離
世間勤求修習向一切智智眼清淨無諸垢翳身語
心行悉皆清淨以差別智普入諸法無障礙慧猶如
虛空通達一切世間境界獲無礙地大光明藏善巧
分別一切法義一切世間無能曠奪常行於世不染
世法能益於世非世所壞爲諸衆生究竟依止善了
一切衆生語言明解衆生種種儀式知諸衆生業習
根器隨其心行如應說法於一切處普隨現身於一
切時恒得自在而我云何能知能說彼功德行善男
子於此南方有一國土名爲三目彼有比丘名曰妙
見汝詣彼問菩薩云何學菩薩行修菩薩道時善財
童子頂禮其足繞無數匝戀慕瞻仰辭退南行爾時
善財童子隨順思惟菩薩所住行甚深思惟菩薩所
證法界際甚深思惟菩薩衆生微細智甚深思惟菩

薩世間想行智甚深思惟衆生無作性甚深思惟衆生心流注甚深思惟諸法緣起際甚深思惟衆生真實際甚深思惟衆生如光影甚深思惟衆生名號差別際甚深思惟衆生語言際甚深思惟衆生莊嚴法甚深思惟衆生祕密際甚深思惟衆生光明際甚深漸次南行至三日國於彼城邑市肆廓里山川林藪仙人住處周徧尋訪妙見比丘忽然覩見在一林中經行往復頭骨如蓋頂有肉髻殊勝端嚴其眼脩廣如青蓮葉鼻脩高直如真金脣色丹潔如頻婆果齒白齊密具足四十頰如師子頤領充滿眉高而長額廣平正毫相映徹如白瑠璃耳相垂瑣如懸珠狀面如滿月見者無厭頸項圓直約文二道智標德相妙藏莊嚴體如師子肩膊圓腰脇深細如金剛杵臂肘膚直立垂過膝綱緹指相如白鵝王手足掌中金剛輪相柔軟細滑如兜羅錦伊尼鹿蹲七處平滿手指纖長足跟平圓皮膚金色常光一尋身毛上靡一一右旋其身圓滿如尼拘陀樹相好嚴潔如雪山王諸根澄靜目視不瞬於諸境界心無動亂智慧深廣猶如大海若沉若舉是智非智動轉戲論一切咸息得佛所行平等境界入於緣起差別法門成熟衆

生心恒不倦能生深廣圓滿大悲教化示導心無暫捨爲欲受持一切如來正法眼故爲欲普令一切衆生生智明故爲於如來所行之道恒履踐故不遲不速審諦經行寂靜端嚴猶如滿月威儀雍肅如淨居天無數天龍乾闥婆等釋梵護世人及非人前後圍繞主方之神隨方迴轉引導其前足行諸神持寶蓮華隨捧其足無盡光主火神執持寶炬舒光照耀閻浮幢主林神恒雨衆妙拘蘇摩華不動藏主地神隨現寶藏普光明主空神莊嚴虛空妙吉祥主海神雨摩尼寶須彌藏主山神合掌作禮無礙力主風神散衆香華春和淑氣主夜神曲躬恭敬常覺圓滿主晝神持徧照十方摩尼寶幢住虛空中放大光明善財童子前詣其所頭面禮足合掌白言聖者我已先發阿耨多羅三藐三菩提心復欲勤求諸菩薩道我聞聖者善能誘誨願爲我說菩薩云何學菩薩行修菩薩道妙見答言善男子我年旣少出家又近我此生中於三十八恒河沙數諸如來所親近供養淨修梵行或有佛所一日一夜淨修梵行或有佛所七日七夜淨修梵行或有佛所半月一月一年百年千年百年那由他年乃至不可說不可說年或有佛所經

一小劫或一中劫或一大劫乃至不可說不可說阿僧祇劫親近供養淨修梵行聽聞妙法依教奉行清淨莊嚴諸大誓願證入諸佛甚深境界修習菩薩一切妙行圓滿一切波羅蜜門亦見彼佛所成正覺所現神通所轉法輪所現涅槃所有遺教乃至法盡各各差別悉能受持無有雜亂亦知彼佛以本所發大誓願力普偏嚴淨諸佛國土以本所入諸三昧力圓滿菩薩甚深妙行以本所修普賢行力清淨諸佛波羅蜜海又善男子我常不離此經行處一念中一切十方皆悉現前得淨妙智觀察了知無障礙故一念中一切世界皆悉現前得速疾力一念過不可說不可說世界無障礙故一念中不可說不可說佛刹皆悉現前得普偏嚴淨成就菩薩願力故一念中不可說不可說衆生差別行皆悉現前得滿足普賢教門海故一念中不可說不可說佛清淨身皆悉現前得普親近成就普賢行願力故一念中不可說不可說佛刹極微塵數如來皆悉現前得柔軟心供養承事一切如來願力故一念中不可說不可說如來降注法雨入衆生心皆悉現前得了知阿僧祇法門隨順陀羅尼願力故一念中不可說不可說菩薩行海皆悉

現前得淨一切諸菩薩行猶如帝網殊勝願力故一念中不可說不可說諸三昧海皆悉現前得於一三昧中自在入出一切三昧願力故一念中不可說不可說諸根海皆悉現前得了知諸根際於一根中現一切根願力故一念中不可說不可說時皆悉現前得於一切時轉正法輪衆生界盡法輪無盡願力故一念中不可說不可說三世海皆悉現前得了知一切世界中三世分位智光明願力故善男子我唯知此菩薩隨順無盡燈解脫門如諸菩薩摩訶薩心行堅固猶如金剛生如來家種族真正成就不壞常住命根常燃智燈無有盡滅其身堅固不可沮壞普能示現如幻色身形貌端嚴世無倫匹隨衆生心無量差別如緣起法轉變無盡毒刃火災所不能害降魔兵衆摧伏異道身色妙好如閻浮金超過世間最勝無比放大光網普照十方若有見者必破一切障礙大山必拔一切不善根本必種廣大殊勝善根如是之人難可得見難得出現如優曇華而我云何能知能說彼功德行善男子於此南行有一國土名圓滿多聞其中有城名曰妙門彼有童子名根自在主汝詣彼問菩薩云何學菩薩行修菩薩道時善財童子

爲欲成滿諸菩薩行欲修菩薩無盡功德欲被菩薩大誓願甲欲放菩薩大力光明欲成菩薩深信解力欲起菩薩無量勝行於菩薩法心無厭足樂入一切

菩薩功德願常攝御一切衆生欲超生死稠林曠野於善知識常樂見聞承事供養心無厭倦於無量法

大方廣佛華嚴經卷第九

音釋

濤徒刀切海中大波也

沸方味切湧出貌

鋒敷容切鉗也

怯乞業切

瘡肢體也

瘞切久

瘞與瘡切

瘞

賴又輔也

頤領頤支切亦領也

頤

垂馳爲切

耳

瘞耳瘞也

瘞

也戶惑切

膚口下白領切

頤

瘞畏惱也

瘞

瘞久

瘞

臍丑容切均

廻直連切市物

廻

瘞蘇后切

瘞

瘞大澤也

瘞

縕莫官切網繩謂手指

縕

瘞手汗切

瘞

瘞

瘞心廉切

瘞

間皮相連如鵝鴈掌也

蹠柳切臂節也

蹠

瘞臂節也

蹠

蹠脣也

蹠

切足瞬舒閏切

瞬

瘞也

瞬

瘞閏切

瞬

瞬目動也

魏縣比丘會天成

本山比丘

明宗共施銀刻

此

華嚴經普賢行願品第九卷

河南比丘海舟對

此

歐寧唐士登書

盧陵晏宗還

刻

此

萬曆辛卯春清涼

山妙德庵識

大方廣佛華嚴經卷第十

唐罽賓國三藏般若奉詔譯

入不可思議解脫境界普賢行願品之十

爾時善財童子受妙見比丘教已憶持不忘思惟修習決定明了於彼法門隨順悟入天龍夜叉乾闥婆等眷屬圍繞漸次前行向圓滿多聞國入妙門城周徧推求根自在主童子時虛空中天龍神等告善財言善男子今此童子在河渚上與諸童子聚沙爲戲爾時善財聞是語已卽詣其所見彼童子十千童子前後圍繞聚沙爲戲見已親近頂禮其足繞無數市

合掌前立白言聖者我已先發阿耨多羅三藐三菩提心而未知菩薩云何學菩薩行修菩薩道我聞聖者善能誘誨唯願慈悲爲我解說自在主言善男子我昔曾於文殊師利童子所修學筭數印相等法卽得悟入一切工巧神通智門善男子我因此故知諸世間所有聲論內明因明醫方明等文字筭數契印取與種種智論亦知一切藥毒蟲毒和合銷解亦能療治風癟瘡瘍瘦鬼魅所著如是所有一切諸病亦能建立城邑聚落形勝所居市肆鄉里園林池沼義堂福舍臺榭樓觀宮殿屋宅窓牖門闈種種莊嚴亦善駕御駟馬車乘鬪戰之法安危進止取捨勝負亦善調鍊種種仙藥幻術變化亦善營理田農商賈種種諸業亦善禮儀尊卑次序亦知衆生身相吉凶業行善惡亦知衆生具足一切善不善根亦知衆生善趣惡趣種類差別亦善了知一切賢聖清淨業道此人應得聲聞乘道此人應得辟支佛道此人應得菩薩乘道此人應入如來智地如是乃至真俗二諦皆悉能知亦知一切諸寂靜衆軌儀法式時非時食應所不應以自攝養而延壽命亦知世俗治生方法經理資產出處貴賤亦知自他過去受身中有分住入胎

住胎經生差別亦知未來一切衆生死此生彼死彼生此從彼處歿還生於彼從此處歿還生於此亦知過現一切諸佛差別法門種種安布教授教誡調伏衆生能令堅固隨順修持越生死流到涅槃岸身心清淨如鍊真金光明普照廣大成就善男子我復善知十八工巧種種技術并六十二眷屬明論及內明等一切方法治內煩惱何等名爲內身煩惱有四因緣一謂眼根攝受色境二由無始取著習氣三由彼識自性本性四於色境作意希望由此四種因緣力故藏識轉變識波浪生譬如瀑流相續不斷善男子如眼識起一切根識微塵毛孔俱時出生亦復如是譬如明鏡頓現衆像諸識亦爾或時頓現善男子譬如猛風吹大海水波浪不停由境界風飄靜心海起識波浪相續不斷因緣相作不相捨離不一不異如水與波由業生相深起繫縛不能了知色等自性五識身轉彼阿賴耶終不自言我生七識七識不言從賴耶生但由自心執取境相分別而生如是甚深阿賴耶識行相微細究竟邊際唯諸如來住地菩薩之所通達愚法聲聞及辟支佛凡夫外道悉不能知善男子我又善知一切聲論音聲語言内外因起名字

訓釋普偏無窮假使帝釋於梵天所聽受聲明盡其天壽足滿千歲亦不能知聲論邊際我一念頃以此算法悉能了知盡其源底善男子彼復教我菩薩算法所謂百千爲一洛义一百洛义爲一俱胝俱胝俱胝爲一阿庾多阿庾多阿庾多爲一那由他那由他那由他爲一頻婆羅頻婆羅頻婆羅爲一矜羯羅矜羯羅矜羯羅爲一阿伽羅阿伽羅阿伽羅爲一微濕伐羅微濕伐羅微濕伐羅爲一鉢羅伐羅鉢羅伐羅鉢羅伐羅爲一鉢羅麼鉢羅麼鉢羅麼爲一婆囉婆囉婆囉婆囉婆囉爲一阿婆羅阿婆羅阿婆羅爲一多婆羅多婆羅多婆羅爲一優鉢彌耶優鉢彌耶優鉢彌耶爲一阿枲摩阿枲摩阿枲摩爲一普摩普摩普摩爲一禰摩禰摩禰摩爲一阿婆鈴阿婆鈴阿婆鈴爲一微婆伽微婆伽微婆伽爲一微婆奢微婆奢微婆奢爲一沒哩嚩迦沒哩嚩迦沒哩嚩迦爲一那賀羅那賀羅那賀羅爲一毗曇婆毗曇婆毗曇婆爲一慈沃彌縛伽彌縛伽彌縛伽爲一毗伽婆毗伽婆毗伽婆爲一僧羯邏摩僧羯邏摩僧羯邏摩爲一毗薩羅毗薩羅毗薩羅爲一毗曇婆毗曇婆毗曇婆爲一慈沃伽慈沃伽慈沃伽爲一毗盛伽毗盛伽毗盛伽爲一

毗嚕陁毗嚕陁毗嚕陁爲一微皤訶微皤訶微皤訶
爲一微薄帝微薄帝微薄帝爲一毗佢擔毗佢擔
佢擔爲一都邏那都邏那都邏那爲一阿覩馳阿覩
馳阿覩馳爲一嚕邏那嚕邏那嚕邏那爲一微皤蘭
微皤蘭微皤蘭爲一三末耶三末耶三末耶爲一微
規羅微覩羅微覩羅爲一奚婆羅奚婆羅奚婆羅爲
一唵嚕羅唵嚕羅唵嚕羅爲一微度栗娜微度栗娜
微度栗娜爲一奢彌陁奢彌陁奢彌陁爲一你兜嚕
嚕你兜嚕嚕你兜嚕嚕爲一微者羅微者羅微者羅
爲一微舍嚕微舍嚕微舍嚕爲一微你薩多微你薩
多微你薩多爲一阿尼孽哆阿飄孽哆阿飄孽哆爲
一微悉步多微悉步多微悉步多爲一泥嚕羅泥嚕
嚕泥嚕羅爲一波哩殺陁波哩殺陁波哩殺陁爲一
微目差微目差微目差爲一鉢哩哆鉢哩哆鉢哩哆
爲一喝哩哆喝哩哆喝哩哆爲一阿嚕迦阿嚕迦阿
嚕迦爲一印黠哩耶印黠哩耶印黠哩耶爲一系嚕
迦系嚕迦系嚕迦爲一奴嚕那奴嚕那奴嚕那爲一
阿嚕那阿嚕那阿嚕那爲一婆嚕陁婆嚕陁婆嚕陁
爲一謎嚕陁謎嚕陁謎嚕陁爲一乞羼耶乞羼耶乞
羼耶爲一阿差目多阿差目多阿差目多爲一騎嚕

婆耶翳嚕婆耶翳嚕婆耶爲一微麼嚕耶微麼嚕耶
微麼嚕耶爲一曼弩婆耶曼弩婆耶曼弩婆耶爲一
微灑駄耶微灑駄耶微灑駄耶爲一三麼唵三麼唵
三麼唵爲一鉢羅麼咀羅鉢羅麼咀羅鉢羅麼咀羅
爲一阿羅麼咀羅阿囉麼咀羅阿囉麼咀羅
麼咀囉勃麼咀囉勃麼咀囉爲一阿畔麼咀囉阿畔
麼咀囉阿畔麼咀囉爲一伽麼咀囉伽麼咀囉伽麼
咀囉爲一那麼咀囉那麼咀囉那麼咀囉爲一奚麼
咀囉奚麼咀囉奚麼咀囉爲一鞞麼咀囉鞞麼咀囉
鞞麼咀囉爲一鉢羅麼咀羅鉢羅麼咀羅鉢羅麼咀
鉢爲一戶麼咀囉戶麼咀囉戶麼咀囉爲一翳囉
囉翳囉爲一薛羅薛羅薛羅爲一帝羅帝羅帝羅爲一
偈羅偈羅偈羅爲一宰步羅宰步羅宰步羅爲一
制羅耶制羅耶制羅耶爲一泥羅泥羅泥羅爲一計
羅計羅計羅爲一細羅細羅細羅爲一媿羅媿羅媿
羅爲一諺羅諺羅諺羅爲一娑邏茶娑邏茶娑邏茶
爲一諺嚕唵諺唵諺唵爲一冥嚕唵冥嚕唵冥
嚕唵爲一契嚕唵契嚕唵契嚕唵爲一摩覩羅摩覩
羅摩覩羅爲一珠嚕哆珠嚕哆珠嚕哆爲一娑母羅
婆母羅婆母羅爲一阿野娑阿野娑阿野娑爲一迦

麼羅迦麼羅迦麼羅爲一摩伽婆摩伽婆摩伽婆爲
一阿婆囉阿婆囉阿婆囉爲一系嚕婆系嚕婆系嚕
婆爲一吠噦婆吠噦婆吠噦婆爲一迦澁縛羅迦澁
縛羅迦澁縛羅爲一阿婆羅阿婆羅阿婆羅爲一毗
婆囉毗婆囉毗婆囉爲一那婆羅那婆羅那婆羅爲
一寧畔多寧畔多寧畔多爲一摩婆羅摩婆羅摩婆
羅爲一娑囉那娑囉那娑囉那爲一勃邏摩勃邏摩
勃邏摩爲一勃邏摩那勃邏摩那勃邏摩那爲一微
伽摩微伽摩微伽摩爲一鄖波跋多鄖波跋多鄖波
跋多爲一你哩泥捨你哩泥捨你哩泥捨爲一阿差
耶阿差耶阿差耶爲一三姥駄三姥駄三姥駄爲一
阿畔多阿畔多阿畔多爲一阿囉摩娜阿囉摩娜阿
囉摩娜爲一優鉢羅優鉢羅優鉢羅爲一波頭摩波
頭摩波頭摩爲一僧祇僧祇僧祇爲一阿婆儉弭耶
阿婆儉弭耶阿婆儉弭耶爲一孽馳孽馳孽馳爲一
阿僧祇阿僧祇阿僧祇爲一阿僧祇轉阿僧祇轉阿
僧祇轉爲一無量無量無量爲一無量轉無量轉無
量轉爲一無邊無邊無邊爲一無邊轉無邊轉無邊
轉爲一無等無等無等爲一無等轉無等轉無等轉
爲一不可數不可數不可數爲一不可數轉不可數

轉不可數轉爲一不可稱不可稱不可稱爲一不可稱轉不可稱轉不可稱轉爲一不可思不可思不可思爲一不可思轉不可思轉不可思轉爲一不可量不可量不可量爲一不可量轉不可量轉不可量轉不可說轉爲一不可說不可說此又不可說不可說爲一不可說不可說不可說爲一不可說轉不可說轉不可說轉善男子我復以此菩薩所知算數之法分別算知無數由旬廣大沙聚顆粒多少亦能算知十方盡虛空所有世界種種安立差別次第亦能算知十方所有一切世界廣狹大小種種分量及以名字差別不同所謂一切劫名一切佛名一切法名一切諦名一切業名一切菩薩名一切衆生名皆悉了知通達無礙善男子我唯知此一切巧大神通智光明法門如諸菩薩摩訶薩能知一切諸衆生數及知一切諸衆生名能知一切法品類數及知一切法品類名能知三世諸時劫數及知三世諸時劫名能知一切諸如來數及知一切諸如來名能知一切諸菩薩數及知一切諸菩薩名亦能算知一切世界染淨成壞相續次第一切時分日月年劫相續次第一切諸佛出興名號相續次第一切諸佛

所轉法輪相續次第一切菩薩發心行道相續次第一
一切菩薩成熟衆生相續次第一切衆生所造因業
相續次第一切衆生所受果報相續次第如是乃至
一切名相展轉出生無盡緣起相續次第如是菩薩
所得算數自在法門自利利他廣大饒益能令衆生
隨順悟入次第成熟究竟解脫而我何能說其功德
示其跡行顯其境界彰其勝力辯其樂欲宣其助道
發其大願闡其妙行演其諸度讚其清淨開其殊勝
智慧光明如是菩薩所有功德乃至少分尚不能知
豈能盡知一切諸佛勝妙威神大功德海圓滿一切
諸佛福智寶聚波羅蜜果證悟諸佛如燈照現無礙
法界演說諸佛廣大清淨自在法輪遊戲諸佛最勝
甚深三昧境界覺了諸佛神通明智解脫法門善男
子南方有城名海別住有優婆夷名辯具足汝詣彼
問菩薩云何學菩薩行修菩薩道時善財童子聞是
語已歡喜踊躍生尊敬心獲得希有信樂寶心成就
廣大利衆生心悉能明見一切諸佛出興次第降生
成道說法涅槃最勝清淨究竟圓滿悟入甚深微妙
智慧普於諸趣皆隨現身了知三世差別境界獲得
無盡大功德藏放大智慧自在光明開三有城所有

關鍵趣向佛智究竟菩提頂禮其足繞無數帀殷勤瞻仰辭退而去爾時善財童子隨順思惟善知識教正念觀察殷勤渴仰心無厭足猶如巨海受大雲雨吞納衆流作是念言善知識教猶如春日生長一切善法根苗善知識教如秋滿月凡所照觸身意清涼善知識教如夏雪山能除一切諸獸熱渴善知識教如芳池日能開一切善心蓮華善知識教如日珠輪照引衆生至法寶處善知識教如闍浮樹開敷一切福智華果善知識教如大龍王自在興布妙法雲雨善知識教如妙高山種集種種無漏功德三十三天莊嚴止住善知識教如天帝釋功德諸天所共圍繞能破愛見阿脩羅軍如是思惟漸次前行至海住城周徧求覓此優婆夷時彼衆人咸告之言善男子彼優婆夷在此城內住自宅中善財聞已卽詣其門合掌而立見其舍宅廣博殊麗種種莊嚴衆寶垣牆周匝圍繞四面皆有寶莊嚴門善財入已見優婆夷處於寶座妙年盛色容貌端嚴不御華瓔素服垂髮威光殊特人所樂見除佛菩薩餘無能及有勝威力有廣大心令諸衆生見聞親近咸生尊重愛敬之心於其宅中數十億座超諸人天一切所有皆是菩薩業

力所成宅內無有衣服飲食及餘嚴具但於其前置一小器復有十千童女圍繞一切妙寶莊飾其身言音和雅常侍左右瞻仰承順情無厭怠身出妙香普熏城內及徧虛空一切人天聞其香者於菩提心皆不退轉其餘衆生遇斯香者身心柔軟無怒害心無怨結心無慳嫉心無諂誑心無險曲心無貪愛心無瞋恚心無幻偽心無下劣心無高慢心無邪僻心無障礙心無執著心住平等心起大慈心發利益心住律儀心離貪求心聞其聲者歡喜踊躍見其身者悉離貪染爾時善財卽前頂禮優婆夷足右繞恭敬合掌而立白言聖者我已先發阿耨多羅三藐三菩提心而未知菩薩云何學菩薩行修菩薩道我聞聖者善能誘誨願爲我說彼卽告言善男子我得菩薩無盡福德莊嚴藏解脫門能於如是一小器中隨諸衆生種種欲樂如應爲出種種甘美上好飲食色香味觸悉皆充足善男子我此器中所出飲食假使百衆生千衆生百千衆生億衆生百億衆生千億衆生百千億衆生那由他衆生乃至不可說不可說衆生假使閻浮提極微塵數衆生一四天下極微塵數衆生小千世界中千世界大千世界極微塵數衆生乃至

不可說不可說佛刹極微塵數衆生假使十方一切世界極微塵數衆生隨其欲樂悉令充滿饑渴銷除身心安樂智慧增長然其飲食無有窮盡亦不減少如出飲食乃至能出種種牀座種種敷具種種繒絲種種衣服種種車乘種種幢幡種種軒蓋種種華鬘種種瓔珞種種珍寶種種散香種種丸香種種塗香種種燒香種種末香乃至種種如法資具隨其來者皆於我所生尊重心生恭敬心生無厭心生調伏心普心給施不擇怨親貴賤貧富如所意願悉令豐足善男子假使東方一世界中所有衆生修習聲聞獨覺乘者食我食已皆證聲聞獨覺乘果住最後身如一世界如是次第百世界千世界百千世界億世界百億世界千億世界百千億那由他世界閻浮提極微塵數世界一四天下極微塵數世界小千世界極微塵數世界中千世界極微塵數世界大千世界極微塵數世界乃至不可說不可說佛刹極微塵數世界其中所有一切衆生修習聲聞獨覺乘者食我食已皆證聲聞辟支佛果住最後身南西北方四維上下亦復如是又善男子如東方一世界乃至不可說佛刹極微塵數世界其中所有最後身

菩薩食我食已皆詣最勝菩提道場降伏魔軍成等
正覺南西北方四維上下所有一世界乃至不可說
不可說佛刹極微塵數世界其中所有最後身菩薩
食我食已皆得往詣最勝道場降伏魔軍成等正覺
善男子汝見我此十千童女眷屬以不答言已見優
婆夷言善男子今我所有菩薩眷屬百萬阿僧祇此
十千童女而爲上首皆悉與我行同類行同一大願
同一善根同出離道同清淨解同清淨信同清淨念
同清淨趣同清淨智同無量覺同淨諸根同普偏心
同廣大心同所行境同所證理同決定解同明了法
同淨妙色同無量力同最精進同正法音同隨類音
同清淨音同第一音同讚功德同清淨業同清淨報
同廣大慈同普偏悲同普救護同偏成熟同淨身業
隨緣現起如所應見皆令歡喜同淨語業於法自在
隨俗訓釋宣布法化同能普詰諸佛道場同能普往
一切佛所供養承事同現覺智悉解諸佛差別法門
同得安住一切菩薩清淨行地善男子是十千童女
能取此食於一念頃偏至十方供養一切住最後身
諸大菩薩及供一切聲聞獨覺乃至偏詣十方世界
諸餓鬼趣皆令充足除其饑渴善男子此十千童女

又取我食能於天中充足天食亦於龍中充足龍食乃至能於人非人中隨其所須施諸飲食悉令充足我此器中曾無減少何況有盡善男子且待須臾汝當自見說是語時善財卽見無量衆生從四門入皆優婆夷本願所請既來集已敷座令坐隨其所須給施飲食乃至種種上妙資具悉令充足令諸衆生心生歡喜安隱適悅互相慶慰而此器中所出之物無減無盡時優婆夷作此施已告善財言善男子我唯知此菩薩無盡福德莊嚴藏解脫門如諸菩薩摩訶薩無盡福德大莊嚴藏甚深無底猶如大海廣大無際猶若虛空滿衆生心如意珠所求皆得如大寶聚擁護一切如輪圍山長諸善根如大雲雨守護法藏猶如闡鑰普集法寶如妙高山破無明闇猶如燈燭普蔭羣生猶如高蓋而我云何能知能說彼功德行善男子南方有城名爲大有彼有長者名具足智汝詣彼問菩薩云何學菩薩行修菩薩道時善財童子頂禮其足繞無數帀殷勤瞻仰辭退而去爾時善財童子得菩薩無盡莊嚴福德藏解脫門已隨順思惟彼福德大海觀察彼福德虛空向彼福德聚登彼福德山攝彼福德藏飲彼福德泉游彼福德池淨彼

福德場見彼福德藏入彼福德教開彼福德眼行彼
福德道植彼福德種漸次而行至大有城周徧詢求
明智居士於善知識心生渴仰念善知識心無間斷
慕善知識志樂堅固方便求見諸善知識常無厭足
願得承事諸善知識精勤匪懈以善知識熏修其心
知由依止善知識故能滿衆善知由依止善知識故
能生衆福知由依止善知識故能長衆行知由依止
善知識故不由他教自能承事一切善友知由依止
善知識故清淨一切菩薩諸根如是思惟長其善根
深其志樂益其德本廣其大悲近一切智具普賢道
照明一切諸佛正法增長菩薩所有行願明照如來
十力智光爾時善財見彼居士在於城內市四衢道
七寶臺上處於衆寶莊嚴之座其座妙好無數清淨
如意寶王以爲其身種種金剛帝青摩尼以爲其足
寶繩珠網以爲交絡無垢藏珠寶而校飾之復以五
百妙寶形像而爲莊嚴敷天寶衣建天幢旛張大寶
網施大寶帳闇浮檀金以爲其蓋淨瑠璃寶以爲其
竿令人執持以覆其上鵝王羽翮以爲其屋曰旃牛
尾以爲其拂悉以離垢妙寶莊嚴天諸童子執侍左
右熏衆妙香雨衆天華晝夜常奏五百樂音其音美

妙過於天樂衆生聞者無不歡悅十千眷屬前後圍
繞色相端嚴人所喜見天莊嚴具以爲嚴飾出過天
人最勝無比悉已成就菩薩志欲皆與居士同昔善
根侍立瞻對承其敎命時彼城內一切衆生及虛空
中所有天衆於居士所生隨順心生愛樂心生歡喜
心以心隨順歡喜愛樂善知識故卽起一切天拘蘇
摩妙寶華雲普雨一切天拘蘇摩妙寶華雨是諸人
天亦與居士往昔同種清淨善根爾時善財見是事
已前禮其足繞無數帀合掌而立白言聖者我爲利
樂諸衆生故發阿耨多羅三藐三菩提心爲令一切
衆生滅除苦難故爲令一切衆生究竟安樂故爲令
一切衆生出生死海故爲令一切衆生入法寶洲故
爲令一切衆生枯竭愛河故爲令一切衆生起大慈
悲故爲令一切衆生捨離貪著故爲令一切衆生渴
仰佛智故爲令一切衆生越度生死大曠野故爲令
一切衆生愛樂諸佛勝功德故爲令一切衆生出三
界城故爲令一切衆生入一切智城故以如是等種
種利益發菩提心而未知菩薩云何學菩薩行云何
修菩薩道而能攝護一切衆生爲諸衆生作依止處
我聞聖者善能誘誨願爲我說居士告言善哉善哉

善男子汝乃能爲如是利故發阿耨多羅三藐三菩提心善男子發阿耨多羅三藐三菩提心是人難得若能發心是人則能求菩薩行心無動轉值遇善知識心無狀足親近善知識心無勞倦承事善知識心無憂患供養善知識終不退轉愛念善知識終不放捨渴仰善知識無暫懈息求覓善知識無時憩止行善知識教未曾怠惰稟善知識命心無誤失善知識者有大威力難得親近承事供養若能給侍瞻禮讚歎心無憂悔則得具足一切功德不爲煩惱毒亂其心善男子汝見我此十千眷屬衆會人不答言已見居士言善男子我已令其發阿耨多羅三藐三菩提心生如來家增長白法安住無量諸波羅蜜學佛十力離世間種住如來種壞生死輪轉淨法輪滅三惡趣住正法趣如是等諸菩薩行悉能成就普能救護一切衆生善男子我得隨意出生福德藏解脫門一切衆生凡有所須悉滿其願所謂須食與食須飲與飲如是種種衣服瓔珞華蔓繒綵燒香塗香末香金銀真珠珍奇衆寶種種幢旛種種軒蓋房舍屋宅倚臥之具種種燈燭病緣湯藥種種船舫象馬車乘奴婢牛羊及諸侍使如是一切資生之物亦復能與天

冠寶飾髻中明珠乃至所愛妻妾男女眼耳鼻舌皮肉骨髓身體手足不揀貧富貴賤好醜隨其來意皆悉與之乃至爲說真實妙法使令修證究竟圓滿善男子且待須臾汝當自見說是語時無量衆生從種種方所種種世界種種國土種種城邑種種聚落種種居處形類差別愛樂不同其數無量皆以菩薩往昔願力俱來集會爾時居士知衆雲集普偏觀察繫念須臾仰視虛空如其所須悉從空下相續流入居士掌中隨諸衆會一切願求皆手授與普令滿足既滿願已生大歡喜身色光悅心意調柔堪任受化然後爲說種種妙法所謂得充足諸美食者與說種種集福德門演說一切離貧窮行演說富饒甘露財行演說法智大尊重行演說相好莊嚴身行成就威德降魔怨行成就法喜禪悅食行增長成就難屈伏行善能了達無上食行令得常命色力安辯具足法門爲得充足諸好飲者與其說法令於生歟捨離渴愛欣樂佛乘入深法味爲得充足諸上味者與其說法皆令具足充滿法味證得如來味中上味爲得充足種種舟船及車乘者與其宣說出離法門皆令越度生死大海載於最勝無上大乘爲得充足諸衣服者

與其說法令得清淨慚愧之衣乃至如來清淨妙相
金色皮膚如是一切資生之物隨意與之靡不周贍
然後悉爲如應說法隨其所宜各令悟入無上清淨
智慧法門既聞法已還歸本處爾時居士爲善財童
子顯示菩薩不可思議解脫境界已告言善男子我
唯知此隨意出生福德藏解脫門如諸菩薩摩訶薩
成就寶手徧覆十方一切世界爲供養佛普施衆生
以自在力與種種色寶雲雨種種色寶雨所謂種種
色瓔珞種種色寶冠種種色樓閣種種色寶蓋種種
色幢旛種種色音樂其聲美妙歌讚佛法乃至種種
資生之具普徧一切衆生住處充滿一切佛刹道場
悉以供養一切諸佛亦爲成熟一切衆生而我云何
能知能說彼諸功德自在神力善男子於此南方有
一大城名師子宮彼有長者名尊法寶髻汝往彼問
菩薩云何學菩薩行修菩薩道時善財童子歡喜踊
躍深自慶幸知因一切善知識故圓滿功德於善知
識尊重謙卑如弟子禮作如是念由此居士開悟於
我令我得聞希有之法由是思惟不斷愛念善知識

見不壞尊重善知識心常樂受行善知識教決定信
順善知識語敬善知識展轉增勝事善知識心無退
轉頂禮其足繞無數帀殷勤瞻仰辭退而去

大方廣佛華嚴經卷第十

校譌

第十八紙

五行辯 南

音釋

瘡

戶間病也

濟

相邀切 治申之疾也

瀑流

與蒲同切 濑

矜

羯羅

居羯羅

阿

揭

摩

里切 鞍摩

慈

沃

氏切 市切

微

皤

訶

阿

飄

嚙

哆

嚙魚傑

毗

耶

耶寧切 誰莫切

謎

嚧

陀

計

乞

羼

耶尼切

羣

耶

自矜羯羅

顆

恒

瞿

班切 不摩

慈

沃

氏切 市切

微

皤

訶

阿

飄

嚙魚傑

婆

儉

弭切 弔

迦

拏

起切

至

此

皆楚語數量也

迦

拏

已上自矜羯羅

顆

粒

粒

苦果切 珠

迦

拏

也

迦

拏

也

迦

拏

也

迦

拏

旃

牛

音茅長尾可爲旌旗

本山靈境寺釋明宗徒真常孫如動如教共施財華嚴經普賢行願品第十卷

齋寧唐士登書吉水周仁刻

萬曆辛卯春清涼山妙德庵識



讀書之法一
讀書之法二
讀書之法三
讀書之法四
讀書之法五
讀書之法六
讀書之法七
讀書之法八
讀書之法九
讀書之法十
讀書之法十一
讀書之法十二
讀書之法十三
讀書之法十四
讀書之法十五
讀書之法十六
讀書之法十七
讀書之法十八
讀書之法十九
讀書之法二十
讀書之法二十一
讀書之法二十二
讀書之法二十三
讀書之法二十四
讀書之法二十五
讀書之法二十六
讀書之法二十七
讀書之法二十八
讀書之法二十九
讀書之法三十
讀書之法三十一
讀書之法三十二
讀書之法三十三
讀書之法三十四
讀書之法三十五
讀書之法三十六
讀書之法三十七
讀書之法三十八
讀書之法三十九
讀書之法四十
讀書之法四十一
讀書之法四十二
讀書之法四十三
讀書之法四十四
讀書之法四十五
讀書之法四十六
讀書之法四十七
讀書之法四十八
讀書之法四十九
讀書之法五十
讀書之法五十一
讀書之法五十二
讀書之法五十三
讀書之法五十四
讀書之法五十五
讀書之法五十六
讀書之法五十七
讀書之法五十八
讀書之法五十九
讀書之法六十
讀書之法六十一
讀書之法六十二
讀書之法六十三
讀書之法六十四
讀書之法六十五
讀書之法六十六
讀書之法六十七
讀書之法六十八
讀書之法六十九
讀書之法七十
讀書之法七十一
讀書之法七十二
讀書之法七十三
讀書之法七十四
讀書之法七十五
讀書之法七十六
讀書之法七十七
讀書之法七十八
讀書之法七十九
讀書之法八十
讀書之法八十一
讀書之法八十二
讀書之法八十三
讀書之法八十四
讀書之法八十五
讀書之法八十六
讀書之法八十七
讀書之法八十八
讀書之法八十九
讀書之法九十
讀書之法九十一
讀書之法九十二
讀書之法九十三
讀書之法九十四
讀書之法九十五
讀書之法九十六
讀書之法九十七
讀書之法九十八
讀書之法九十九
讀書之法一百

二